

***ASO LUA, 2 IULAI 2019***

*Na nofoia e le Fofoga Fetalai le Nofoa i le itula e 9:19 i le taeao.*

Tatalo.

**FOFOGA FETALAI:** Ou te faasilasila atu ua toe amatalia Taualumaga ma Galuega a le Fono Aoao Faitulafono.

Avea lenei avanoa e faatalofa atu ai ma le agaga faaaloalo i le paia o le Palemene, afio o lau Afioga i le Palemia faapea foi lau Afioga i le Sui Palemia ma le mamalu o le Kabeneta, ae a Taitafono ma sui usufono mamalu o le Palemene faapea foi Minisita Lagolago, Ofisa Sili o Pulega o Matagaluega ma Faalapotopotoga a le Malo, aemaise foi le tapuai faafogafoga mai o Samoa.

**MALELEGA MAI LE AO O LE MALO**

**“TUSI mo:**

**Le Fofoga Fetalai:**

E tusa ai ma le Mataupu 59 o le Faavae o le Malo Tutoatasi o Samoa, ua ou tuuina atu nei le maliega i le Fono Aoao Faitulafono na te iloiloina ai le Tulafono Tau Faaofi ua faaalia i inei:

1. Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2019.

**TUUINA ATU** i lou nei Lima i lenei aso 1 o Iulai 2019.

Tuimalealiifano Vaaletoa Sualauvi II  
**O LE AO O LE MALO”**

**02 IULAI 2019**

**FAAALIGA MAI LE TAITAI O LE MAOTA**

E tusa ai ma le Tulafono Tumau 100(2), ua tuuina atu nei le Faaaliga i le Fono Aoao Faitulafono mo le iloiloina o le Tulafono Tau Faaofi ua taua i lalo i lona **Tulaga Faanatinati.**

1. Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2019.

**TUUINA ATU** i lenei aso 1 o Iulai i le tausaga 2019.

Hon TUILAEPA Dr. Sailele Malielegaoi  
**TAITAI O LE MAOTA**

**TULAFONO TAU FAAOFI O TEUTEUGA O LE TULAFONO O FUA  
 FAATATAU O LAFOGA O OLOA E GAOSIA I LE ATUNUU 2019**  
 – faitauga muamua

**FOFOGA FETALAI:** Ou te tapa ma le faaaloalo lau Afioga i le Minisita mo Tupe Maua.

**Afioga Hon TIALAVEA FEA LENIU TIONISIO HUNT (Minisita mo Tupe Maua):** Faafetai i lau Afioga i le Fofoga Fetalai mo le avanoa. E talitonu tatou te piiama faatasi i le taulaga molia i lenei taeao i lau Afioga. E faatalofa atu i lau Afioga, aemaise foi le Afioga i le Palemia ma le paia o le Kabeneta, Minisita Lagolago, Taitaifono ma Sui Taitaifono o Komiti taitasi aemaise foi le afifio mai o Ofisa Sili o Pulega o Matagaluega ma Faalapotopotoga a le Malo aemaise o le tatou atunu o lo o faafogafoga mai.

Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2019 i lona faitauga muamua.*

*Faaluaina e le Minisita o Tupe ma le Minisita mo le Soifua Maloloina.*

*Na faamaonia le lafo ma faitauina le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2019 i lona faitauga muamua.*

**02 IULAI 2019**

**Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2019 – faitauga faalua**

**FOFOGA FETALAI:** Talu ai ua ou taulimaina nei le Tusi Faamaonia o le Tulaga Faanatinati ua maea ona sainia i le Tulafono Tau Faaofi, o lea o le a sagai atu loa le Fono Aoao Faitulafono mo le faitauga faalua ma le faagasologa ai o le faitauga faatolu.

**TULAFONO TAU FAAOFI O TEUTEUGA O LE TULAFONO O FU  
FAATATAU O LAFOGA O OLOA E GAOSIA  
I LE ATUNUU 2019 – faitauga faalua**

**FOFOGA FETALAI:** Ou te tapa ma le faaaloalo lau Afioga i le Minisita mo Tupe Maua.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fatalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2019 i lona faitauga faalua ma ou te fia tautala faamalamalama i ai.*

*Faaluaina e le Minisita o Tupe, Minisita mo Aoga, Taaloga ma Aganuu ma le Minisita mo le Soifua Maloloina.*

**Afioga Hon TIALAVEA FEA LENIU TIONISIO HUNT:** Faafetai i lau Afioga i le Fofoga Fatalai aemaise le paia o le Palemene, o le Tulafono Tau Faaofi lenei, o lo o taumafai e teuteuina faamatalaga o le Tulafono Tau Faaofi o Fua Faatatau o Lafoga o Oloa i le Atunuu 1984, e ala i le suia o fua faatatau ma faasologa o tiute mo nisi mea taitasi faapitoa i fua faatatau fou o le faasologa o tiute. O le sini o le Tulafono Tau Faaofi, ia aiaia ai mo le fua faatatau o Lafoga oloa e gaosia i le atunuu mo le ava malosi e aofia ai le sili atu i lo le 40% ma ia faaitiitia ai, o le fua faatatau o Lafoga oloa e gaosia i le atunuu mo le ava malosi e aofia ai e ititi ifo i le 40% faatasi ai ma le siitaga e tai 10% o le Lafoga oloa e gaosi ia Iulai 2019 e oo ia Iulai 2021.

O le faamoemoega lava lau Afioga i le Tulafono lenei, ona o le talosaga na tuuina mai e le Chamber faatasi ai ma le au gaosi ava malosi i le atunuu, ina ia toe tagai le Malo i le teuteuga o le Tulafono ona o le aafiaga o latou pisinisi ma latou galuega fai, ua tapunipuni nisi o fale gaosi ava. O le faamoemoega pe mafai ona toe fesuisuiai le Tulafono aemaise le excise tax ia siisii i tausaga e tolu.

O le auga tonu lava lena o le Tulafono Tau Faaofi lau Afioga i le Fofoga Fatalai.

**FOFOGA FETALAI:** Malo faafetai.

**02 IULAI 2019**

**Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2019 – iloiloga auiliili**

*Na faamaonia le lafo ma faitauina le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunu 2019 i lona faitauga faalua.*

**TULAFONO TAU FAAOFI O TEUTEUGA O LE TULAFONO O FUA FAATATAU O LAFOGA O OLOA E GAOSIA I LE ATUNUU 2019 – iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga auiliili i le fuaiupu 2.

**FUAIUPU 2:** Ua teuteuina le Faamatalaga.

**Tofa LEALAILEPULE RIMONI AIAFI (Faleata Sisifo):** Lau Afioga i le Fofoga Fetalai, o le Fuaiupu 2 faamolemole fia fesili i ai faamolemole... Le schedule.

**FOFOGA FETALAI:** Se i tuu atu pea le avanoa lau Afioga i le sui usufono mo Faleata.

**Tofa LEALAILEPULE RIMONI AIAFI:** Ou te fia fesili atu lava lau Afioga, faafetai mo le avanoa i le Afioga i le Minisita, ona o lea e foliga mai e alu i lalo le excise tax o fagu malosi, ae alu i luga le excise tax o le pia, a o le mea lea o lea e tele lona gaosia i totonu o Samoa nei.

O le isi mea, e pei o lea e foliga mai e tutusa le excise tax o le pia lea mauaalo le pasene ma le pia e mauaalo le pasene. Ae sa tatau ona taumafai foi lea e faamalosia le gaosia o pia ia e laitiiti le pasene (alcohol volume). O lea e fia fesili atu ai i lau Afioga i le Minisita, po o le a le mafuaaga e alu ai i lalo le excise tax o mea malosi ae alu i luga le excise tax o pia. Ma le faaaloalo lava.

**FOFOGA FETALAI:** Se i tulai mai le Minisita e ana le Tulafono Tau Faaofi.

**Afioga Hon TIALAVEA FEA LENIU TIONISIO HUNT:** Faafetai mo le faafesili a le sui usufono mamalu. O le excise o le fagu malosi o lo o i ai i le taimi lenei sa siitia i le tausaga talu ai i le 100%, sii mai i lalo i le \$19 ma le \$12 i le \$38.60. E tasi lava le excise rate sa i ai. I le talosaga la na toe tuu atu i le Matagaluega e uiga ... pe mafai ona toe fetuunai le tariff lea ina ia siisii malie i le tai tolu tausaga, siisii tai 10%. O lea la na suesue ai e le Matagaluega faatasi ai ma le Chamber ma pasia ai e le Revenue Board e tatau ona toe fetuunai le tulaga lea ma o lea ua aumai ai le Tulafono.

**02 IULAI 2019**

**Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2019 – iloiloga auilili**

O le pia lena e 3% le siitaga. O le pia i lalo o le 3%, o lena e \$3.08 pe a sii nei le 3% \$3.17. A oo i le tausaga fou ua \$3.27 i le 2021, e \$3.37 o lena foi ua faavasega mai i le Tulafono lea le pia, a alu atu le pia lea e 3% i le 7%, o rates na e alu ai. A o le ova atu i le 7.1% le isi pia e tau i luga, po o le a le malosi e i ai, o lena ua fai ai le isi laina fou lena e \$5 i le lita le excise tax. A oo foi la i le tausaga fou, ua \$5.15, oo i le 2021, e \$5.30. O lena ua faavasega i ina le malosi o pia. O le taimi nei, o le pia malosi lea e i ai o le taula, e 7% faapena foi ma le vailima o lo o gata ai le malosi o le pia. O lea la ua fetuunai ai i ina, a toe sau se isi e produce se pia i luga atu o le 7% o lo o i ai o le kalifa(tariff) fou la lena e alu ai o le \$5 ma faasolosolo atu ai i luga.

Lau Afioga, o le tali atu lena i le fesili.

**FOFOGA FETALAI:** Malo faafetai.

*Faamaonia le Fuaiupu 2.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Fua Faatatau o Lafoga o Oloa e Gaosia i le Atunuu 2019.**

*Faamaonia.*

*Na faagasolo le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2019 e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O FUA FAATATAU O LAFOGA O OLOA E GAOSIA I LE ATUNUU 2019**  
– faitauga faatolu

**FOFOGA FETALAI:** Tulai mai lau Afioga i le Minisita mo Tupe Maua.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fua Faatatau o Lafoga o Oloa e Gaosia i le Atunuu 2019 i lona faitauga faatolu.*

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

*Faaluaina e le Minisita mo le Soifua Maloloina ma le Minisita o Tupe.*

*Na faamaonia le lafo ma faitauina le Tulafono Tau Faaofī i lona faitauga faatolu ma faapea ona pasia le Fono Aoao Faitulafono.*

**ILOILOGA O LE LIPOTI A LE KOMITI SUESUE FAAPITOA A LE PALEMENE MA PEPA O LE SAUNOAGA FAA-MINISITA A LE AFIOGA I LE PALEMIA O LE ASO 28 ME 2019**

1. P.P.2019/2020 Nu. 87, Saunoaga Faa-Minisita a le Afioga i le Palestina, Susuga Hon Tuilaepa Dr. Sailele Malielegaoi i le aso 28 Me 2019, e faatatau i le mataupu o le Faamasinoga o le Peresetene o Fanua ma Suafa.
2. P.P.2019/2020 Nu.86, Lipoti a le Komiti Suesue Faapitoa a le Palestina e faatatau i le Faaiuga a le Komisi o Auaunaga Tau Faamasinoga, ma aiaiga o le mataupu 68(5) o le Faavae o le Malo Tutoatas i Samoa.

**FOFOGA FETALAI:** A o le i tulai mai le Taitafono o le Komiti Suesue Faapitoa a le Palestina, ou te muai tapa lau Afioga i le Palestina mo sau saunoaga.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ma le mamalu o sui usufono o le Fono Aoao Faitulafono. Ou te faatalofa atu i le maleifua mai i le soifua lelei ma le lagi e mama i lenei taeao fou, malo ua maua.

Ua le o toe maloafua lo tatou taeao laulua fesilasilafai. Ua tatou agai atu nei e tagofia le mataupu o se mataupu iloga ua i lumamea, o le faamutaina lea o le tofiga o le Peresetene o le Faamasinoga o Fanua ma Suafa. E faapei ona faia i ai le faaiuga a le Komisi o Auaunaga o le Faamasinoga, ina ua maea ai le iuga o Faamasinoga o Talosaga.

Sa tuuina atu le mataupu lenei e soalaupule e le Komiti faapitoa a le Palestina ona toe lipoti mai ai lea mo se faaiuga faaiu, e faia e a outou afioga o sui usufono o le Fono Aoao Faitulafono lenei e ala i le Palota. Ina ua lava lea o le avanoa e tatou te faitau maeaea, ma toe faitau ma saga faitau, ina ia malamalama lelei ai, ma tatou tau fai mafaufau loloto uma i ai lava i lenei mataupu ogaoga, ma le aafiaga o lenei foi itutino o lo o tagofia ma soalaupule tulaga uma o le Faamasinoga tonu ma sao, e ono aafia ai le filemu ma le soifua saogalemu o tagata lautele.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le  
Saunoaga Faa-Minisita a le Afioga i le Palestina o le Aso 28 Me 2019**

Ae a le silafaga a le Atua Silisili Ese o lo o faavae ai le Malo lenei o Samoa, faapea foi le tagai malamalama o tatou paaga o lo o lagolago mai ia tatou taumafaiga uma mo le atinae lautele o Samoa, ma lo tatou soifua ai i le malupupiuia ma le tausisia o ala o le Tulafono. E le gata i lea o le matau mai foi o Taitai o Samoa, o tatou Itumalo na filifilia i tatou, tatou te o mai e soalaupule mataupu uma lava, e faataoto i totolu o le Palestina lenei, ina ia matua tuutuu loloto i ai la outou tofa ma le faautaga oooo.

O se uluai taimi foi lenei i le Tala Faasolopito, o upu fai o le Malo lenei ua oo mai ai se mataupu faapenei, ua matua nofo manino ai le atunu o faafogafoga mai. O le Palestina lenei, e faia le faaiuga e faamuta ai se Alii Faamasino. Ua le faia se amioga e talafeagai ma le mamalu o le Faamasinoga. O le Maota foi lenei na te faia foi le faaiuga e faamuta ai se Palestina po o se Fofoga Fetalai, pe afai ua faia se solitulafono ogaoga ua le talafeagai, ma le mamalu o le tauaveina o nei tofi. Ma e atagia ai i le taeao lenei le uiga moni o le upu o le Fono Aoao Faitulafono a Samoa. E tatou te faia Tulafono ma e tausolomua foi ia i tatou ona lē solia Tulafono.

Ua outou tauaaoina kopi o lau tautalaga Faa-Minisita, sa ou otootoina atu ai moliaga o le Peresetene na fofogaina e le Faamasinoga faa-Itumalo, le Faamasinoga Maualuga ma le Faamasinoga o Talosaga, e tolu faamasinoga na lotea. O le faaiuga a le Faamasinoga o Talosaga, na faasalaina ai le Peresetene i se sala tuge tele, ona i le vaai taulai faale-Faamasinoga e matuia tele le moliaga, o le faaoolima mataga i se tasi o le aufaigaluega, o se amio paaa ma le tautamalii i se alii Faamasino, ua le tusa ai ma lona tofiga.

Ma i aiaiga o le Faavae i lalo o le fuaiupu 68(5), e lua auala ogaoga e faamuta ai le tofiga o se faamasino. Muamua, ua ia faia se amio paaa e le talafeagai ma le mamalu o le tofi Faamasino. Lua, ua faaletonu le mafaufau. E manino lelei aiaiga o le fuaiupu 68(5) o le Tulafono Faavae o lo o faavae ai le Malo lenei. E faasino lea i le ausia o le 2/3 o le aofai o sui usufono o le Maota lenei. O lo o ua faamalolo le tumau nei le Peresetene e Le Ao Mamalu o lo tatou Malo, e talia ai se faaiuga a le Maota lenei ona faatoa faia ai lea o se faaiuga o lenei mataupu. Ma e le na o Samoa ua tupu ai mea faapenei, e tupu foi i isi Malo, o lo o faafoe i faiga faatemokarasi. E pei o Ausetalia e aafia ai foi Faamasino i le tulaga lava lea, o le fesiligia o le amio pulea.

Lau Afioga i le Fofoga Fetalai, ina ia ogatasi le agaga o lo o faataoto mai e le fuaiupu 68(5) o le Faavae ma se lafo e faia i le mataupu lenei. E ao ai ona ogatasi upu ma le lafo ma le faaupuga o le Faavae. Ma o le lafo ou te faatuina atu e fai i ai le faaiuga manino a le Palestina lenei, *Ina ia faamalolo le Peresetene o Fanua ma Suafa ona o tulaga o amioga le talafeagai ma faiga faavae i moliaga ua faamaonia*. O le lafo lena lau Afioga i le Fofoga Fetalai mo le faamaonia i se Palota e faia e le Palestina lenei.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

A o le i agai atu le Palestina mo le tagofiaina o le lafo, e fia fai lava sina au upu puupuu i le Lipoti a le Komiti Faapitoa Filifilia a le Palestina e faasino i le mataupu o le Palota o le sui usufono e tusa ai ma lana faamasinoga o le faatofalaiga tatau. I se isi faaupuga faigofie i lona lava aia tatau o ia o le sui usufono, o le Vaega Faaupufai lenei, o lo o tu i le foe o Faigamalo a Samoa, o lona faalupega o le Vaega e Puipua Aia Tatau a Tagata. Aia Tatau Faavaega Faaupufai, po o le aia tatau foi a sui usufono o le Vaega lenei o le HRPP. Talu mai ona tulai mai le HRPP e faafoe le Malo, ua faaalia ai i totonu o le Palestina lenei, le Palota e mulimilitaia ai aia tatau faavaega Faaupufai, ua i ai foi le laolao na faaalia ai le puipua o aia tatau faa-sui usufono o le faafaletui o sui usufono o le HRPP.

Mo sina faataitaiga i le Paeaiga o le 1988, i le 1990, na pasia ai e le Palestina lenei le Tulafono o Petipetiga. E 17 palota e lagolagoina le Tulafono, o lau Tulafono o au o le Minisita o Tupe i lena vaitaimi. Na matou palota ai ma isi sui usufono o le HRPP. E 16 na tetee, na aofia ai ma le Palestina le afioga ia Tofilau Eti Alesana, e 16 e tetee. E ese le palota a le Palestina, ese le palota a le sui Palestina ma isi o le HRPP. O aga na faa-HRPP e oo loa ina tatala le palota, e le toe tilotilo lava se isi i le mea e palota ai le Taitai, ae fai lava lana aia tatau. O le Tulafono lena lea na pasia i le palota e tasi, na maualafia ai le faagasologa o le Lotto Samoa, Tattslotto, mulimuli ane ai, faigofie ai foi ona faamaonia ma le Tulafono o lo o faagasolo ai nei le Kasino. O mea ia sa faaaaoga i ai Faiga Faavae nei a le Vaega Faaupufai. E tasi lava le palota a sui o le HRPP na sao ai nei taaloga tau petipetiga.

I le Paeaiga talu ai, na palota ai foi sui usufono mamalu o le HRPP faaaa-tatau faavaega o le HRPP le Tulafono, o le toe fetuutuunai o tuaoi faa-Itumalo. O le palota lea na amata ai ma le sui usufono e toatasi na palota ese, le Afioga i le sui usufono mo Gagaifomauga Nu 3, e ui o le isi lea sui usufono Sinia o le vaega lenei sa umia le tofi o le Fofoga Fatalai, umia foi le tofi o le Minisita o le Kapaneta. Ae oo loa ina lotea faiga faavae, na tulai mai ai le HRPP e le toe tilotilo lava itu i Sasae po o le itu i Sisifo.

Ua ou taua ia itu, ona ua laa le Komiti Faapitoa a le Palestina, i se mataupu e le aiaina e se Komiti a le Palestina. O se mataupu e faapitoa, i le aiatatau a Vaega Faaupufai. O le lape lena o le mataupu a le Komiti na tofia e silasila i le mataupu lenei ma toe lipoti mai i totonu o le Palestina, e tatau ona ou faaleoina.

Lau Afioga i le Fofoga Fatalai ma sui usufono mamalu o le Maota lenei, e le tau faatonuina e le matapia le manaia. E le faatonuina foi e Laupua Tamafaiga. O le Maota lenei, o le Maota o lo o ee ai Taitai o Samoa o Tupu ma Ee o Samoa i ona tulaga faalupe aua le Paia o Aiga ma a Latou Tama, faapea foi le Usoga a Tumua ma Puleono i Salafai. Ua saofafai i totonu o le Fonousu lenei a le atunu, o sui o nuu latou te faatonutonu taiala o le nofo lelei i le filemu ma le amio pulea o tagata uma o le nuu o lo o i ina le tofa fatalai ma le utauta mamaao.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

O a outou afioga foi o sui usufono o le Palemene lenei, o lo o tofia nisi o tofiga maualuluga i totonus o Ekalesia Kerisiano, tou te malamalama lelei ai foi, i aoaoga a lo tatou Alii, i le faia lea o le faamasinoga tonu. O isi afioga taua lava, mai i le Tusi Paia e taua tele mo le faiga filifiliga i le taeao nei. **“O le na te iloa le mea e tatau ona fai ae e le faia, o le agasala lea i luma o le Silisili Ese”.**

E faavae le talitonuga maumauai o lo o i le Maota nei le utu a le fai mea, ua tasi ai le tau i le Vaega Faaupufai lenei o le HRPP, e tusa ai ma ana faiga faavae, fetuutuunai ua tausaga, o le a tatala le palota, e maua ai le avanoa e faaleo ai finagalo o sui usufono, o sui usufono o le Vaega Faaupufai lenei, e faaalia ai o latou finagalo, e ala i la outou palota. O le sao lava lea a outou itumalo i le mataupu ogaoga ua i lumamea o le Palemene, o le a fai i ai le tatou faaiuga.

Soifua ma ia manuia lo tatou taeao.

**FOFOGA FETALAI:** Malo faafetai, ia se i tulai lau Afioga i le Sui Palemia.

**Afioga Hon FIAME NAOMI MATAAFA (Sui Palemia):** Lau Afioga i le Fofoga Fetalai ou te tulai atu e faaluaina le lafo e pei ona saunoa i ai le Afioga i le Taitai o le Malo i lenei taeao. Atonu o lea ua manino foi le mataupu e agai i ai le felafolafoaiga a le Maota i lenei taeao, aemaisa foi o lea ua taatia le Lipoti a le Komiti a le Palemene sa tuuina i ai le mataupu e tapena mai i ai se latou fautuuga.

Lau Afioga i le Fofoga Fetalai, i le faaluaina o le lafo a le Afioga i le Palemia, ou te talitonu, ia te au lava ia, ua ou fiafia ona o lea ua tulaga faatasi le lafo ua faataatia i lenei taeao, ma aiaiga o le Faavae i le mataupu lea e 68 (5). Sa i ai lava le atugaluga i le taofi lau Afioga, a le tonu le faatulagaina o le lafo a le Malo, e ono faaletonu foi le faagaioiga o le tatou mataupu lenei. E aliali le lafo i le mea ua taoto i ai le finagalo o le Malo, i lou Tootoo o au o le sui o le Kabeneta, ou te faafetai o lea ua toe faatulaga le lafo, ma e pei ona ou tauina atu, ou te faaluaina le lafo a le Afioga i le Palemia.

**FOFOGA FETALAI:** Malo, ua faafogaga le paia o le Palemene o lea ua faatuina mai le lafo e le Palemia ma ua faapena ona faaluaina e le Afioga i le Sui Palemia. O lea foi ua maea ona saunoa le Afioga i le Palemia e tusa ai o le mataupu o lea ua talanoaina i le Fonotaga.

**Afioga Tafua Maluelue Tafua:** Lau Afioga i le Fofoga Fetalai...

**FOFOGA FETALAI:** O lea foi ou te... E i ai le manatu... malie le sui usufono mamalu alaala mai i lalo o lea e fai le faamatalaga a le Fofoga Fetalai. Ou te manatu o le avanoa lelei lea mo le... tapa ai ma le faaaloalo lau Afioga i le Taitaifono o le Komiti Suesue Faapitoa a le Palemene, e tulai mai.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

**Tofa NAFOITOA TALAIMANU KETI (Taitaifono o le Komiti Suesue Faapitoa a le Palestina):** Lau Afioga i le Fofoga Fatalai, ou te tulai e faatu le lafo, *Ina ia faautagia e le Fono Aoao le Lipoti a le Komiti o lo o tuuina atu ai ana SAILILIGA MA FAUTUAGA, ma ou te fia tautala i ai.*

*Faaluaina e le Sui Usufono mo Lefaga ma le Sui Usufono mo Falealili Sasae.*

**FOFOGA FETALAI:** Ia, ou te tapa lau Afioga i le Taitaifono o le Komiti Faapitoa e tulai mai e saunoa i sailiiliga ma le aotelega o fautuaga.

**Tofa NAFOITOA TALAIMANU KETI:** Lau Afioga i le Fofoga Fatalai, ou te manatu o lea ua logologoa le moega o uputuu o le loaloa ma le Tiavavau, ua maea foi ona e sala upu ma paia o le Maota e pei o le upu e fai ia Loo ma Loo. Na ou lagona lea, ou te le toe utuvai lepulepu la i ai, ae o le a ou utuvai loaloa e pei o le upu e fai i le folauga a le alii Toga, aua e i ai lou talitonuga, ua tatou feiloai a ua i alo e pei o le tala e fai i le tei o tupua, i le alofa ma le agalelei o le Atua.

E le alu loa ai se faamatalaga a lenei Komiti faatauvaa. E ao ona afe ma o matou faafeiloai atu i le ee mai o le Nofoa, lau Afioga i le Fofoga Fatalai, lau Afioga i le Palestina o le Taitai o le Maota, lau Afioga i le Sui Palestina, le paia o le aiga Kapaneta, a outou Afioga i Sui Minisita. E faapea foi lea itu o le Maota i le afifio o a outou Afioga, Taitaifono o Komiti Faa-Palestine, Sui Taitaifono, aemaise o sui usufono mamalu uma o le Palestina o le Malo Tutoatasi o Samoa. E ofo alofa ma faafeiloai atu i le paia maualuga i tupu ma ee o le atunuu o Ofisa Sili o Pulega o Matagaluega a le Malo, e faapea foi Faalapotopotoga Tumaoti. E afe foi sa matou faamatalaga i lau Susuga i le Resitara ma le Ofisa o le Fono Aoao Faitulafono, i lo outou gapatia aua le tautuaina o le Maota, ua leva ona faaaaogagase.

Ae e le galo foi sa matou faafeiloai i le tapuaiga mamalu a Samoa, faafogafoga mai a lau Afioga i Le Ao Mamalu o le Malo ma lau Masiofo, Afioga i le Fono a Sui Tofia ma Faletua, faapea foi le paia o le Faamasinoga, le Sui Faamasino Sili, Alii ma Tamaitai o le Faamasinoga, ma le Ofisa o le Faamasinoga Samoa mai le Matafanua seja oo lava i le Siuafanua, matou te ofo alofa ma faatalofa atu.

Tulai ma le agaga faaaloalo i lau Afioga i le Fofoga Fatalai, e fia fai se tala e uiga i le Lipoti Komisi Faapitoa a le Palestina, lea ua taoto nei i le Maota. Ou te manatu ua manino auofala, aua o lea ua taoto i le Maota lenei aemaise le faafogafoga taputapuai mai a le atunuu, i ona tafa e fia, Samoa nei ma atunuu i fafo. O le saunoaga faa-Minisita a le Taitai o le Malo, le Afioga i le Palestina, e pei ona faamaonia e le Palestina i le pepa a le Palestina 2019/2020 nu.87.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestine o le Aso 28 Me 2019**

O le mataupu ua i luma nei o le Maota, e pei ona outou faafofoga i ai, o se mataupu e fou. O se mataupu e le tupu soo foi, lea ua feagai nei ma le tatou Palestine, sa le i mafaufauna e tupu mai i le tatou Paeaiga lenei, i le tulaga i le tofiga mamalu o le Peresetene o Fanua ma Suafa. O lea ua faaagafua nei i se tulaga e le tumau, le faaiuga a le Komisi o Galuega a le Faamasinoga. Lau Afioga i le Fofoga Fetalai, o se mataupu e matua taua tele i le Tala Faasolopito o Upufai a lo tatou Malo, o le Malo Tutoatasi o Samoa. A o lea faatoa faatino i le aso, o le uiga tonu lea o le nonofo faafetauagai o itutino malolosi ia e tolu, o faigamalo faatemokarasi, e pei ona i ai isi Malo o le lalolagi, o le Palestine, o le Pulega Faatonu ma le Faamasinoga (*The Parliament, the Executive and the Judiciary*). E nafa ma tonu fai mo le atinae manua o le atunu, o itutino e agaia le isi itutino ma le isi itutino, ina ia faatumauina le filemu o Samoa, ma taofia ai le faaaoga sese soonafai, e se itutino o le paoa (*doctrine and checks and balances of power*).

Ae o le galuega ua feagai nei ma a outou afioga, ua malama i ulugalu le pule aoao o le itutino lenei o le Palestine, o le Malo Tutoatasi o Samoa (*the Supremacy of Parliament*). O le tafatolu lenei o le Faigamalo, o lo o manino lava le taufai tutoatasi, ae aua foi ne i galo, o lo o aiaia ai nisi tiute, i le Tulafono o le Faavae o Samoa. E mafai ai ona aiaina e le Palestine o le Malo o Samoa, nisi o tofiga lea na outou faafofoga nei i ai i le taeao, e aafia ai ma le Peresetene o le Faamasinoga o Fanua ma Suafa, pe afai e tulai mai ai se mataupu ogaoga ua aafia ai le Tulafono. Ae aisea ua faapea ai? O le tali puupuu, o le Palestine lenei o Samoa o lo o saofafai ai Taitai Filifilia o Itumalo uma o Samoa. O matai iloga, o matai faiupu e faia tonu ma faaiuga a nuu ma afioaga faapea le Ekalesia pele a le Atua. O lona uiga, o lo o i o outou aao i le taeao lenei mamalu faalupelupe o Samoa aoao, o Tupu ma Ee o afioaga uma o le atunu lea ua afifio i le malae i Tiafau nei. E leai la se isi e toe aisili, a oo loa ina oooo tutu le tai o Fagaloa ae suefuefue le tai o Atoa, o le upu moni e le toe tu se ola. O le Maota lenei, o le Maota e lauiliuina ai le tofa ma le faautautaga ma fautuaina ai Le Ao o le Malo i se faaiuga e tatau ona fai. O le ala lea a outou Afioga o le faalupega o le Maota lenei, o le Fono Aoao Faitulafono a Samoa.

Lau Afioga i le Fofoga Fetalai, o le ala lea o le faatuina o le Lafo a le Taitai o le Malo e faatuina ai le Komiti Suesue Faapitoa a le Palestine latou te suesueina maeaea lenei mataupu i ona itu felefele uma ma toe lipoti mai ai i le Maota lenei ma tuuina mai le tuualalo e fautuaina ai le Palestine mo sana faaiuga fai i le toe faaauau o le tofiga po o le faamuta loa. Peitai lau Afioga i le Fofoga Fetalai, e ao ona motu le pa ua iloa le i'a, aua o lo o faafogafoga itumalo ma le atunu pele, Sui auai o le Komiti na faatinoina le galuega lenei, Tofa Nafoitoa Talaimanu Keti (Taitaifono), Afioga Aliimalemanu Momoemausu Alofa Tuuau (Sui Taitaifono), Afioga Hon Faumuina Tiatia Faaolatane Liuga (Sui usufono), Afioga Faaulusau Rosa Duffy Stowers (sui usufono), Afioga Fuimaono Taala Teo Samuelu Teo (sui

usufono), Afioga Toleafoa Ken Vaafusuaga Poutua (sui usufono), Tofa Ili Setefano Taateo Tafili (sui usufono).

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

Lau Afioga i le Fofoga Fetalai, so o se galuega e faatino e i ai ona luitau e ao ona fofoga i ai le Maota. Lau Afioga i le Fofoga Fetalai ma sui usufono o le Maota, e ui lava i luitau o lenei galuega na faaee mai e le Maota, e pei o le taimi sa feagai ai ma le galuega, a o le taimi foi lea o lea e faataoto ma faagasolo le galuega a le Palestina e ala i lana Tala Faatatau Autu o le Tupe 2019/2020. Peitai, e le i vaivai ai le Komiti, sa faatino pea le galuega ina ua maea Fonotaga a le Palestina ma maua ai avanoa e faamaea ai ma silasila totoa i ai aua le taua o lenei mataupu ua lafo mai. E mafua ai ona tautino i luma o lau Afioga i le Fofoga Fetalai ma lenei Maota faapea Samoa o faafogafoga mai, o lenei lava suesuega sa sagatonu lelei e tusa o taiala na faataatitia i le Saunoaga Faa-Minisita a le Afioga i le Palestina. A o fautuaga ua tuuina atu i lenei Lipoti, o le taunuuga o le mafuli o le mamafa o molimau faavae lelei na faataua e le Komisi lenei a le Palestina.

E ao foi lau Afioga i le Fofoga Fetalai ona oo sa matou faamatalaga i le tulaga o le nonofo ai o Samoa i le faletele ma le faleoo. Lau Afioga i le Fofoga Fetalai ma lenei Maota, e manino lava i le saunoaga a le Taitai o le Maota le ogatasi foi ma le taunuuga o le suesuega a le Komisi Suesue, ua manino ua maea ona faatino le galuega a le Faamasinoga, ma ua faaasala tupe le Peresetene o le Faamasinoga o Fanua ma Suafa. E leai foi se upu o le faaiuga a le Faamasinoga o Talosaga Toe Iiloilo e faamuta ma faaauau le tofiga o le Peresetene, o lea ua taoto mai i le Maota lenei. Ma ou te taofi, ua le ese lenei faatulagaga ma lo tatou nonofo ai i o tatou nuu ma afioaga. E tua mea uma i le faletele e afio ai Sao, e pei o upu a le atunuu e tua le faleoo i le faletele. Aisea? Aua foi o le faletele e teu ai le tofa loloto ma le faautautaga mamao e tausi ai le aiga ma le nuu ma le afioaga, aemaise o le Ekalesia, ona le ese lea ma le pese a le Taofia ma Saleutogi, o lona fale e pola i le tofa ae fola i fetalaiga. Ae mafua i se a ona teu le tofa ma le faautaga? Lau Afioga i le Fofoga Fetalai ma sui usufono mamalu o le Maota, e teu le tofa ma le faautaga, aua aso ma taeao faapenei. E teu le faautautaga faatoa tatala a le vevesi ina ua nofo filemu le aiga ma nofo lelei le nuu. Ae a tatala le tofa, ona ola lea o le pagota ma maua le fotuai mai o le fuataina, o le toe ola fuataiga. E ogatasi ma le feau o le faaolataga na maliu ai lo tatou Alii Faaola.

Lau Afioga i le Fofoga Fetalai, ou te fia taua ni mau mai Afioga Paia a le Atua e fofola ai le fala i lenei taeao. Tusi a Roma, “Aua ua agasala tagata uma lava ma ua le oo ai le mamalu o le Atua, a ua tauamionuina fua i lona Suafa ma Lona Alofa Tunoa i le togiola ia Iesu Keriso, o Le ua tuuina mai e le Atua, o le taulaga mo agasala i Lona toto e maua i le faatuatua, ina ia faalitino mai Lana amiontu i le le tauia o agasala ua mavae i le faapalepale o le Atua. Roma 3: fuaiupu 23-25.” A o le tali a Iesu na lu’i ai le au tusiupu ma le au faresaio na molia atu le fafine mulilua, “O so outou e leai sana agasala, lua’i tog i sana maa.” Na mafua ai ona taapeape taitoatasina ina ua faataatia i malae Iesu, le le atoatoa o tagata, tainane

tofiga ma faaeaea e oo lava i le Eklesia na toe foi atu ai le fafine. "Ou te le faasala ia te oe, ae alu ia oe, aua e te toe agasala."

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

Lau Afioga i le Fofoga Fatalai, o le a ou faasee loa i muliava se i faalanu le vai o tama i le galuega sa fitaituga i ai lenei Komiti mo le manino o le Maota e faapea foi Samoa o faafogafoga mai.

**POLOAIGA A LE FONO AOAO FAITULAFONO.**

- 1.1 O le aso 28 Me 2019, na faamaonia ai e le Fono Aoao Faitulafono le Lafo Faatu a le Afioga i le Palemia, mo le faavaeina o le Komiti Suesue Faapitoa Faa-Palemene, latou te suesue maeaea lelei le faapogai ma le talafeagai o le Faaiuga a le (JSC) po o le Komisi o Auaunaga Tau Faamasinoga.
- 1.2 E le gata i lea, o Taualumaga o le Faamasinoga o Talosaga Toe Iloilo, atoa ai ma molimau tuufofoga ma faamaumauga tusitusia, mo ana suesuega ma saililiga, aua se fautuaga e limataitaiina ai le Palemene, mo se talosaga i Le Ao o le Malo, mo se faaiuga faaiu i le faamutaina le tumau o Fepuleai Letufuga Attila M. Ropati, o le Peresetene o Faamasinoga o Fanua ma Suafa, e faapei ona faia i ai le iuga a le Komisi o Auaunaga Tau Faamasinoga.

Lau Afioga i le Fofoga Fatalai ma sui usufono mamalu o le Palemene, e lua ni Taiala, Terms of Reference na fai ma sini autu o lenei suesuega.

**TAIALA O ILOILOGA MA SUESUEGA A LE KOMITI.**

- 2.1 O le sini autu o le galuega a le Komiti Suesue Faapitoa a le Palemene e pei ona faataatia i le lafo faatu, e mataitu ai vaega taua e lua o lo o taua i lalo:-
  - i **Iloiloina lea o le faapogai ma le talafeagai o le faaiuga a le Komisi o Auaunaga Tau Faamasinoga, ina ia faamuta le tumau, le tofiga o le Peresetene o Fanua ma Suafa;**
  - ii **Faaaogaina o le Taiala (TOR), ma aiaiga o le Mataupu 68(5) o le Faavae o Samoa, e tuuina atu ai se Fautuaga i le Palemene, e mafai ai ona aveesea, po o le toe faaaauau o le auaunaga a Fepuleai Letufuga Attila M. Ropati, i le tofi Peresetene o le Faamasinoga o Fanua ma Suafa.**

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

- 2.2 **Mataupu 68(5) o le Faavae o Samoa – “O le a le aveesea se Faamasino o le Faamasinoga Sili mai le tofi, vagana ai ua faia e Le Ao o le Malo i luga o le talosaga a le Fono Aoao Faitulafono, ua faamaonia e nisi e le itiiti i le lua-vagetolu o le aofaiga o sui usufono o le Palemene (e aofia ai tulaga avanoa) o lo o talosagaina mai ai lona aveeseina mai le tofi ona o ni mafuaaga o amioga e le tusa ai ua faatuina mai po o le vaivai o le tino po o le mafaufau”.**

Ou te toe faatepa le Maota i le talaaga o lenei mataupu lau Afioga, na saunoa manino i ai le Taitai o le Maota i lenei taeao, e tauaaoina ai e le Komiti Suesue Faapitoa lenei faaiuga o Faamasinoga faa-Itumalo, o le Faamasinoga Maualuga e faapea foi le Faamasinoga o Talosaga Toe Iloilo. O lona uiga, na mafua ona silasila totoa le Komiti Faapitoa lenei i talaaga ma faaiuga o Faamasinoga nei e tolu e pei ona faafogofoga i ai i lenei taeao, na fai ma taiala o le galuega na fitaituga i ai le paia maualuga o le Komiti.

O lona lua, sa tauaaoina foi e le Komiti le Tusi Talosaga a le Peresetene o Faamasinoga e faailoa ai i le Afioga i le Peresetene o Faamasinoga, o le a le faamavae ae o le a talia se lafo i le Fono Aoao Faitulafono, o fea e taoto i ai lo latou finagalo ma se faaiuga, o lena o le a fai. Na tauaaoina foi e le Komiti fautuaga a le Komisi o Auaunaga o le Faamasinoga, na tuuina atu i Lana Afioga Mamalu O Le Ao o le Malo, a o le aso 10 Me 2019 na sainia ai e Lana Afioga Mamalu O Le Ao o le Malo le Poloaiga, o le Warrant of Suspension, e afua ai ona oo mai i le aso, faamalolo le tumau le Afioga i le Peresetene o Faamasinoga o Fanua ma Suafa. Tauaaoina foi e le Komiti le Pepa a le Palemene Faapitoa, mo le faatuina o le lafo e talanoaina ai le mataupu lenei. O lea sa outou faafogofoga i ai i le aso 28 Me 2019, ou te manatu ua tauaaoina e sui usufono mamalu uma o le Maota le saunoaga manino ma le atoatoa o le lafo a le Afioga i le Palemia.

O molimau tuufofoga sa filifilia lava i le tulaga o le tomai, ia mafai ai ona fesoasoani e le gata i Taualumaga o Faamasinoga ao le faaiuga. E toasefulu i latou sa mafai na tuuina mai molimau tuufofoga i totonu o lenei Komiti, na mafua ai ona oo le Komiti i lana fautuaga, lea ua folasia i le Maota. Silasila foi lenei Komiti i le Tulafono o Fanua ma Suafa 1981 i le fuaiupu 26(d), ma le mataupu 68(5). Article 68(5). E faapea foi le mataupu 68(6) o le Faavae o Samoa. O lea e taoto uma ai faaiuga, sa iloilo totoa e le Komiti.

Lau Afioga i le Fofoga Fetalai, e i ai nisi sui usufono o le Palemene na faatalosagaina so latou avanoa mo le Komiti, e fofoga ai so latou finagalo i le mataupu, ae o le talitonuga o le Komiti, o lo o i ai pea lo latou avanoa faaauro e saunoa saoloto ai i totonu o le Palemene. E pei lava ona tatala ai le taofi i lenei taeao, ao faafogafoga le atunu i taimi e tagofia ai le Lipoti e le Fono Aoao

Faitulafono. E manatu le Komiti ina ia lava se taimi e sailiili maeaea ai i faamaumauga, ma molimau tuufofoga i le auga tonu o le faataatiaga o le lafo, e uiga i le faaiuga a le Komisi o Auaunaga a le Faamsinoga.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioaga i le Palestina o le Aso 28 Me 2019**

O le faaiuga o Faamsinoga o Talosaga toe iloilo, faapea ma isi faamaumauga ua latou tauaaoina, e agai tonu i ai le mataupu o lo o suesueina. O molimau ua filifilia, e leai so latou avanoa e faaalia ai so latou finagalo i totonu o le Maota lenei. Na faavae ai le manatu o le Komiti, e agai tonu le faatinoga o lana suesuega ma toe lipoti mai e pei ona faatonuina e le Fono Aoao Faitulafono. E talitonu le Komiti ua lava ma totoe nei faamaumauga e taialaina ai lana iloiloga, ma vaega e ao ona faatauaina. E le o se Faamasino le galuega o le a toe feagai nei ma le Komiti, e leai. O le sini autu o le iloiloga ma suesuega a le Komiti, o le agai tonu i le agaga o le lafo faatasi ai ma faamaumauga ua tauaaoina, o lea ua folasia i lumamea e ala i lana fautuaga.

Lau Afioaga i le Fofoga Fetalai, a umi sa matou talanoa e sala ina umi, aua e le faigofie le mataupu lenei, e pei ona outou faafofoga i ai i le saunoaga a le Palestina. E manino lava auofala, o saililiga ma suesuega a le Komiti sa tagai manino i le faaiuga o le Faamsinoga o Talosaga toe iloilo. Na o latou faamaonia ai le solitulafono o le faaoo manua i le Vaega 119(1) o le Tulafono o Soligatulafono 2013. Ua latou tuuina atu ai le faasalaga e \$5,000 ma le \$2,000 e totogiina atu i le na aafia. Sa matua manino ai le silasila a le Komiti i le faatauaina e le faaiuga, alii ma tamaitai o le Faamsinoga o Talosaga toe iloilo, le taua o le sao o le Peresetene, i lana tautua ma lana auaunaga i le Faamsinoga, e ala i le Faamasino o Fanua ma Suafa. O lo o faailoa ai e 18 masina na tauaveina ai e le Peresetene o le Faamsinoga o Fanua ma Suafa ua faamalolo le tumau nei, ao ana galuega e 360 faaiuga o Faamsinoga Apili o Fanua ma Suafa ua maea ona faatino.

Ua le gata foi i lea, o lo o atagia ai o le solitulafono ua faamaonia, e le o se amioga na faia i va o se loia ma sana client, **lawyer and client relationship**. Po o se faaaogaina le tatau o tupe **misappropriate use of funds**. po o se amio le tonu, **offence of dishonesty**. O lo o maioio mai ai le le fesootai o le solitulafono ua faamaonia ma le faatinoga o tiute faa-Peresetene o le Faamsinoga o Fanua ma Suafa, e le fesootai.

Sa faamaonia foi e le molimau a le Pulega o Sosaiete a Loia na matou feiloai, e le o se amioga na faia i le va o le loia ma sana client e leai, po o se faaaoga le tatau o tupe po o se amio le tonu, e leai. O le manatu o le Sosaiete, e mafai lava e Fepuleai tulou le suafa, toe tusi talosaga atu i le Sosaiete mo le tusi faamaonia, e galue ai faaloia e tusa ai ma aiaiga o Tulafono a loia a Samoa 2014. E faapea foi ona o latou faamaninoina i le Komiti lenei, le faaaauau pea o le galuega faaloia. A na faapea e maua se faamatatalaga ma faamaonia, lau Afioaga i le Fofoga Fetalai ma le paia o le Maota, o le tasi lea agavaa taua o lo o maualuga i le faafaigaluegaina o Faamasino, aemaise o le Peresetene o Faamsinoga o Fanua ma Suafa.

**02 IULAI 2019**

**Iloiloga o le Lipoti a le Komiti Suesue Faapitoa a le Palestene ma Pepa o le Saunoaga Faa-Minisita a le Afioga i le Palestene o le Aso 28 Me 2019**

E lelei foi lou oo i le mea lea, ao faafogafoga Samoa ina ia aua ai nei **mislead**, e pei ona i ai i le nusipepa, taimi e le i mamao atu, o lo o faailoa ai le upu **unconstitutional**, o le galuega o lo o feagai nei ma le Maota. O lona uiga e foliga mai e le faavaea le galuega o i luma nei o a outou Afioga, o le ala lea o le fia oo i ai o sa matou faamatalaga. Ae i le suesuega, o lo o matua manino lava le Vaega 26(a), o lo o puipuia ai le tulaga e pei ona feagai nei ma le Maota. O lona uiga, o le avea ma Peresetene o le Faamasinoga o Fanua ma Suafa, o ia lava o le Faamasino o le Faamasinoga sili. O le mea lea, lau Afioga i le Fofoga Fatalai, ua ou oo mai i le itu lea, e lelei ona faamanino ao taumafai se lipoti o le galuega sa faatino.

Sa tauaaoina foi e le Komiti se tasi o tusi aloaia mai le alii polofesa, o le sa feagai e le gata i le tulaga o le aoaoina faa-Palestene o sui mamalu o le Maota, ae faapena foi i alii faamasino o le faamasinoga (ISP) na ia taua ai, "**I quote Samoa would lose more than a public officer, if he is might be continued to serve his country will lose a great Samoan**". E atagia ai i ia vaega uma le faatauaina o le auauanga le Afioga i le Peresetene o lo o faamalolo le tumau nei. E le gata i le faamasinoga faa-Itumalo e faapea foi ona tauave mai e le Faamasinoga o Talosaga toe iloilo, Mediation Factors. O le agaga lea sa silasila totoa i ai le Komiti, ae peitai lau Afioga i le Fofoga Fatalai ma sui mamalu uma o le Maota.

Sa tauaaoina foi e le Komiti se fautuaga mai le Loia Sili a le Malo ma le ona ofisa. O lo o agai lava o latou finagalo i le faatauaina o le Rule of Law. E pei ona faamauna i le fuaiupu 15, o le Faavae o Samoa. E ao ai ona tutusa tagata uma i le silasila a le Tulafono, ona e le faailoga tagata le faatinoina o le Tulafono. All persons are equal before the law then entitle to equal protection under the law. O lea lava mau sa lagolagoina foi e le sui Faamasino Sili ma ua tuufogfa lana molimau. A lilifa lava foi le finagalo o le Afioga i le Faamasino i le tulaga o le integrity o le Faamasinoga. O le tu mamalu ma le tino e tasi, ae peitai na ia ioeina foi, ua feagai nei le Faamasinoga o Fanua ma Suafa ma nisi o faafitauli, e le pei ona i ai i le taimi muamua. O mataupu tuua a le atunu, tulaga o faaiuga o apili, ma ua manaomia ai le vave fai i ai o se faaiuga a le Palestene i le mataupu lenei.

Ma le vaega mulimuli, sa feiloi le Komiti e le gata i le Afioga i le Peresetene ua malolo le tumau, ae faapea foi le na aafia i lenei mataupu. O le ala lea a outou afioga sa faamuamua ai sa matou faamatalaga ina ua fofola le fala. I le tulaga o le nonofa ai o tatou afioaga ma nuu, sa atagia i le aso lea. E le gata o upu na faailoa mai a o amioga. Na tutulu ma ua lagona le salamo, o lagona o le faamagalo i le mea na tulai mai. A ua manatu e agai i luma mo le lelei o Samoa aemaise o le tautua faa-faamasinoga.

Lau Afioga i le Fofoga Fatalai, ma le mamalu o le Maota o le isi lea vaega tele sa taua i le matou suesuega. O le upu fefaamagalo'i, na taua ai e le ua aafia,

manao e toe foi atu. O le mea ua tupu ua le toe manatua, o le mea lea lau Afioga i le Fofoga Fetalai faapea foi le faafofoga a Samoa, o le ala lea o le oo o sa matou faamatatalaga i le nonofo ai o sao o aiga ma ona aiga.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

E faapea foi le tausiga o afioaga taitasi. I le tulaga o le pulega mamalu a alii ma faipule ma le faatinoina o faasalaga i totonus o afioaga taitasi. E afua i se a? aua o le Maota lenei o le Maota o matai, ua maea le galuega a le Faamasinoga. O lea ua lafo mai i le Maota o le atunu, o matai filifilia o le atunu i Itumalo uma o Samoa. E filitagaga le tofa ma le faautautaga, i le tulaga o le tausiga o le mamalu ma le filemu o le atunu.

Ona taunu ai lea o le suesuega a le Komiti i lona aotelega, lau Afioga i le Fofoga Fetalai, le mamalu o le Maota, a silasila totoa i le tulaga na laga i le mataupu 15 o le Faavae ma le 68(5), na maua ai le le feaiaai o mea ia e lua. Na taua foi i molimau o e nonofo i le Nofoa o le Faamasinoga, o le Faavae o Samoa le le feaiaai o mataupu.

O le mataupu 15, o lo o talanoa i le tulaga e faatatau i tupuaga, tane po o se fafine, e aiatutusa ai gagana, le lotu, o nuu na fanau ai o tulaga faaleaiga po o nisi lava o ia mea, lea sa matau ai e le Komiti. E agai lava le vaega 15 lea, e aiatutusa i vaega e pei ona ou tolaulau atu.

A o le vaega 68 (5), o amioga e le tusa ai ua faatulai mai (stated misbehaviour) sa tagai totoa i ai le Komiti i le vaega lea peitai, e le i mafai ona faafogaina pe tauaoina ni mau ma ni molimau e faailoa ai le uiga moni e tatau ona faatino ai le uiga o amioga e le tusa ai ua faatuina mai.

E faapea foi ona maua e le Komiti lau Afioga ma le mamalu o le Maota, le le taoto lelei o ni taiala e fesoasoani i le suesuega, i tulaga o le faatinoga o auaunaga faale-Faamasinoaga, aemaise lava i Alii Faamasino. Na toe agai le silasila a le Komiti Faapitoa i tulaga sa faia ai le faaiuga i lalo o le Faamasinoga Faaitumalo, lea na fai ai le iuga (**discharge without conviction**). Na faasaolotoina ai e aunoa ma le faamaonia faaletulafono o moliaga. Sa silasila le Komiti o le Faamasino o le matai Samoa.

Na silasila i le tulaga o le tautua, o itu lelei o le auaunaga, e ui lava ina matuia e pei ona outou faafogoga i ai i le aso, peitai o le iuga na fai, na faia e le Faamasinoga faa-Itumalo, lea ua outou faafogoga i ai. E atagia ai le taua i le Faamasino o le auaunaga mo tagata o le atunu, aemaise le toatuga o lo o tulai nei i totonus o le Faamasinoga o Fanua ma Suafa. O lea foi na atagia i le faaiuga i le **Court of Appeal** o lo o faatauaina ai le auaunaga, ofoina atu o le ola. Ioe o le mea na tupu, e le taugamalie, peitai o lo o atagia ai e ui lava ina faamaonia, ae o le faasalaga e faasala tupe. Lea ua afua ai ona oo mai le mataupu i le Maota lenei, ana fai lava e latou le faaiuga ua uma, e tatau ai. O le mea lea lau Afioga i le Fofoga Fetalai, na silasila le Komiti i tulaga na faavae ai le latou fautuaga mo se tofa, se uta o se moe a le Maota, e pei ona loloma nei i lenei taeao.

Lau Afioga i le Fofoga Fetalai, ina ne i ou momoo lava i ia o le loloto ae galoo ai figota o le aloalo, ou te fia faaaogaina ai lenei avanoa ae ou te le i oo i le aotelega

o le fautuaga, ou te liliu ai se i momoli le faamalo ma le faafetai a le Komiti i lau Afioga i le Loia Sili ma le Ofisa, e le i faigofie lo outou faiva.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

O le upu moni lea i la matou vaai ma le iloilo ma le suesue taofi iu maea lava ua a? Ia maua le toofilemu o Samoa, a o lau Afioga foi o le lima taumatau o le Malo, tulaga o le fautuaina i Tulafono. E le alu loa i sa matou faamatalaga ae ao ona afe, se i momoli atu le faafetai tele i lau Afioga, ma le mamalu o le Ofisa i le faaauauina mai o faamasinoga ia e tolu. Malo le galue! Malo toa! Malo onosai! faaauau ai pea, faaauau ai le galuega.

E momoli foi le faafetai a lenei Komiti, i le paia maualuga o Alii o le Faamasinoga Sili, Tamaitai, Malo mo le galuega, matauina e le Komiti, le le faigofie o lo outou tiute, ma o le mea ua atagia ai i suesuega, o lea foi e agai lo outou finagalo, ia vave faaleleia faafitauli o lo o tulai mai i le Faamasinoga o Fanua ma Suafa. O lea foi ua toe amata ma toe pile up le backlog, faila tuua ma mataupu tuua a le atunu, ona o le mataupu e pei ona fofogaina i lenei taeao.

Ona oo mai lea lau Afioga i le Fofoga Fetalai i le sui o le galuega e faavae i luga o ana sailiiliga ma ana suesuega ua fautuaina ai e le Komiti Suesue Faapitoa lenei, le Fono Aoao Faitulafono e faapea:

1. Ia faamauina loa e le Komiti Faapitoa le faaiuga a le Komisi o Auaunaga a le Faamasinoga, sa faatinoina lava i ala o le Tulafono e tusa ai ma le mataupu 68 (6) ma le Tulafono o le Faamasinoga o Fanua ma Suafa 26 (b).
2. E faavae i luga o sailiiliga ma suesuega o molimau tusitusia ma molimau tuufofoga faamaumauga ma faaiuga a le Faamasinoga ua taunu ai le Komiti Suesue Faapitoa i lana fautuaga, e fautuaina ai le Fono Aoao Faitulafono, i le le aveesea o Fepuleai Letufuga Attila M Ropati, mai le tofiga o le Peresetene o le Faamasinoga o Fanua ma Suafa. Lau Afioga i le Fofoga Fetalai, o le aotelega lea, o lenei galuega e ui lava ina puupuu, ae sa tuu atoa i loto ma mafaufau ma le malosi e tusa ma le valaauina ma tofiga o le Maota lenei.

Manuia lau Afioga i le Fofoga Fetalai, lau Afioga i le Palestina ma le Kapaneta ma lena itu o le malu, manuia lea itu o le malu ma le tapuaiga a Samoa, manuia le Fonousu a Samoa.

**FOFOGA FETALAI:** Malo, faafetai mo le tapenapenaga maeaea a lau Afioga i le Taitaifono o le Komiti Faapitoa sa feagai ma lenei mataupu. Ma o le avanoa foi lenei, e i ai ni sui usufono e fia saunoa i le tatou mataupu e pei ona ia i, ona tuuina atu ai lea...

**Afioga SULAMANAIA FETAIAI TAUILIILI TUIVASA (Vaimauga Sasae):** Lau Afioga i le Fofoga Fetalai pe a tusa ai ma le malologa, o lea e lava le taimi pe maua se avanoa o lenei itumalo.

**FOFOGA FETALAI:** Ia, malo le faamanatu mai, o lea ua tatou feagai tonu ma le malologa, ia o le tatou galuega lava e faapena.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

Ia o le a faataatiaese galuega a le Fono Aoao Faitulafono mo lana malologa masani.

*Na faataatiaese Taualumaga a le Fono Aoao Faitulafono mo lana malologa masani i le itula e 10:44-i le taeao ma toe faaauau i le itula e 11:33 i le taeao.*

**FOFOGA FETALAI:** Ou te faasilasila atu ua toe amatalia Taualumaga ma Galuega a le Fono Aoao Faitulafono.

E i ai le manatu ua faaopoopoina le malosi o le paia o le Palemene e faaauau ai le tatou Galuega. E faia le malologa ua tulai mai le sui usufono mo Vaimauga i Sasae. Ia se i tulai mai le Afioga i le Sui Palemia.

**Afioga Hon Fiame Naomi Mataafa:** Lau Afioga i le Fofoga Fetalai o le mea e fia malamalama. Faafetai lava o lea ua maea le saunoaga a le Taitaifono o le Komiti sa soalaupuleina lenei mataupu ma o lea ua otootoina mai ai le Lipoti.

Faamolemole lau Afioga i le Fofoga Fetalai, ou te fia malamalama i ala o mea ae le i amataina le tatou faatalatalanoaina o le mataupu, ona o lea ua faataatia le lafo a le Komiti ina ia taliaina le latou Lipoti, a o lea foi ua taatia le lafo a le Malo e auga i ai le faatalatalanoaga.

E fia malamalama lau Afioga i le Fofoga Fetalai i le maea ai o felafolafoaiga a le Maota, po o le a le auala e fai ai mea ia e lua, aua o lea ua taatia le lafo e talia le Lipoti. O le fesili la; a talia le Lipoti ua malolo ai le lafo a le Malo. E pei o le mea lena e le o manino i ai lou sui usufono e faafesili atu ai ma le faaaloalo po o le a le faasologa o le tatou mataupu.

**FOFOGA FETALAI:** Malo faafetai. E agatonu foi manua o le fesili ona ua faafesili mai lau Afioga i le Palemia i le faagasologa o le tatou galuega. I le faafesili mai a lau Afioga i le Tamaitai Sui Palemia, pei foi ona maua, ua maea le saunoaga a le Afioga i le Palemia ma ua faatu mai le lafo ma ua faaluaina, ona taoto loa lea e le i tuuina atu le fesili e tusa ai ma le faamaoniaga o le lafo e pei ona faatuina mai e le Afioga i le Palemia ma faaluaina e lau Afioga i le Sui Palemia. Ua faapena foi ona tuuina atu le avanoa i le Taitaifono o le Komiti ina ia folasia le Lipoti a le Komiti ma tuuina mai i luma o le Palemene le fautuaga, ma ua faapena ona faaluaina, ma ua taoto ai foi ae le i tuuina atu le fesili.

O lea la ua i ai le manatu o le Nofoa, o le a lafo i le Palemene i le latou faatofalaiga, o ai e fia saunoa e tusa ai o lenei mataupu, ona maea lea ona tuuina

atu lea o le fesili, e faamuamua le fesili mo le na faamuamua le lafo e pei ona faatuina mai e le Afioga i le Palemia.

## **02 IULAI 2019**

### **Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

Ona tuuina atu loa lea o le fesili lona lua, o le fesili ina ia faamaonia le Lipoti a le Komiti e tusa ai o le tulai mai foi o le latou galuega. Ae pei e faapena se lagona, ae manatu, e faigofie lava le tatou mataupu aua...

Ia se i tulai mai le Afioga i le Palemia.

**Susuga Hon Tuilaepa Auelua Fatialofa Luplesolai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fatalai, e pei o lou faauigaina o le lafo a le Taitaifono o le Komiti, o le talia mo le talanoaina. A o lau faauigaina lena, o le talia mo le talanoaina, o lea la ua tatou talanoa, a o le lafo autu lea na ou faatuina atu.

**FOFOGA FETALAI:** Ia ua ou manatu e le afaina foi lea itu e pei ona tulai mai lau Afioga i le Palemia, e mafai foi ona tuuina atu le fesili ina ia talia le tuuina mai o le Lipoti a le Komiti o lea ua talanoaina faatoa tatou see atu lea i le faatulagaga o fesili. Masalo o le tulaga e leai sona eseesege tele. Ae ua ou manatu, ua sili foi lea pei ona tulai mai lau Afioga i le Palemia, ina ia tuuina atu le fesili e talia ai le faataatia mai i luma o le Palemene o le Lipoti a le Komiti mo le talanoaina, ua ou iloa e sili lea. Ona o lea ua faaluaina le lafo e pei ona tuuina mai e le Taitaifono o le Komiti ina ia faataatia i luma o le Palemene le tuuina mai o le Lipoti a le Komiti.

O le fesili pe o le a faamaonia le tuuina mai o le Lipoti a le Komiti i totonu o le Palemene, o e finagalo i ai saunoa mai i le ioe...

**Afioga Hon Fiame Naomi Mataafa:** Lau Afioga i le Fofoga Fatalai, ou te auai i le finagalo o le Palemia. A o le faaupuga la o le lafo, o le talia o le Lipoti mo le talanoaina, ae le o le talia o le tino o le Lipoti aua e eseese mea na e lua. Faamolemole lau Afioga, ia manino le faaupuga o le tatou faagasologa o le galuega. Ma ou te fia teuteuina le lafo e pei ona e saunoa mai, e talia le Lipoti mo le talanoaina.

**FOFOGA FETALAI:** O le faatuina mai o le lafo e pei ona saunoa i ai le Taitaifono o le Komiti e faapea; lau Afioga i le Fofoga Fatalai ou te faatu atu le lafo, ina ia faautagia e le Fono Aoao le Lipoti a le Komiti o lo o tuuina atu ai ana Sailiiliga ma Fautuaga.

Ia, o le tulaga lena. Ua i ai le manatu o le tulaga tonu lena e pei ona saunoa i ai le Afioga i le Palemia, o le ala foi lena sa manatu ai ne i i ai se fenumiaiga ona taoto lea ae tatou see atu i le talanoaina. Ae ui i lea, o lea ua fesoasoani mai i le faatulagaga o tatou galuega ina ia faautagia e le Fono Aoao. E i ai le manatu ina ia

talanoaina e le Fono Aoao le Lipoti a le Komiti po o le teuteuga lea ina ia sagatou ai le tulaga o le tatou galuega?

Ia, o le a sui la le lafo e faapea, ina ia talanoaina e le Fono Aoao le Lipoti a le Komiti, ma ua faapena ona faaluaina.

## **02 IULAI 2019**

### **Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

*E le i faaluaina le lafo.*

*Na faamaonia le lafo.*

**FOFOGA FETALAI:** O le a talanoaina le Lipoti a le Komiti. Ma o le avanoa lenei e tuuina atu i sui usufono mamalu o le Palestina e tutulai mai ai e saunoa e tusa ai o lenei mataupu.

Ou te tapa ma le faaaloalo lau Afioga i le sui usufono mo Vaimauga Sasae.

**Afioga SULAMANAIA FETAIAI TAUILIILI TUVASA (Vaimauga Sasae):** Faafetai. Masalo o lea ua maea le faasiliga malosi ma le taliga foi o le sua i lenei Maota aua le faatautaiga o le Fonousu a le atunuu. A o le i faia la se sao o lenei itumalo i le Lipoti a le Komiti Suesue Faapitoa a le Palestina sa faatautaia lenei mataupu, e muamua ona ofo alofa atu ma faatalofa atu lenei itumalo i lena Itu o le Maota i le afio o lau Afioga i le Palestina ma le Sui Palestina aemaise o le Kapaneta faapea Minisita Lagolago.

Liliu mai foi i lenei talaga atoa, e faatalofa atu i le paia i Afioga i sui usufono o le Palestina o Samoa, ae a lau Afioga i le Fofoga Fetalai ma le Sui Fofoga Fetalai, faamalo le galulue, faamalo le faatautaiga o si o tatou sa, o lea ua matau atu po ua tolu lenei o vaiaso o feagai pea lenei Fonousu ma le soalaupuleina aua se manuia o le atunuu.

E faafeiloai foi i le Ofisa Sili o Pulega ma Pule Sili o Pulega o Matagaluega ma Faalapotopotoga a le Malo, o outou o lo o lima ma vae i ai lenei Palestina i le faatautaiga o si o tatou atunuu.

A o le i faia foi so matou manatu, e ofo alofa atu i lau Fetalaina Lima i lou tulai mai i le tofi Failautusi o le Fono Aoao lenei aemaise le Ofisa o le Fono Aoao Faitulafono o lo o galulue ma tua i ai le Maota lenei i taimi o ana Fonotaga.

E faatalofa atu i le tapuaiga a Lana Afioga Mamalu O Le Ao o le Malo, aemaise le Masiofo faapea foi le Afioga i le Sui o le Fono a Sui Tofia ma le Masiofo, ae a le Sui Faamasino Sili, faapena foi Afioga i alii ma tamaitai Faamasino ma le Ofisa o Faamasinoga. E le mafai lava ona galo le tapuaiga a le aufaigaluega paia a le Atua i so o se fatafitaaulaga, o outou o lo o nonomanu e ala i tatalo ma anapogi, tulivae i le Atua aua se manuia o Samoa ma ona tagata. E le mafai foi ona faagaloina le tapuaiga a si ou itumalo pele o Vaimauga Sasae mai lava i Fusi ma Fanuatanu, o Lalotea, Niniva ma Punialavaa, Faletolu ma Pilioua, po o le paia a lea aua le afifio o Aiga e Lua aemaise le nofo a tula, ae a Samoa aoao o lo o faafofoga mai i maota ma laoa aemaise o atunuu mamao, ia tapuai maia se i fai se

tatou sao ia manuvao e tusa ai ma le ogaoga ma le maualuga o lenei tulaga ua oo i ai le Palemene lenei o Samoa.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

Fai mai o Samoa e le o se atunu taliofa, o le atunu ua uma ona totofi. E mafua mai fea? Ua iloa a tupuaga i tupu, ua iloa tamalii, ua iloa faleupolu, ua iloa foi le au tautua, e leai a se vave na te toe suia le tulaga lea i le tatou atunu. Ina ua taunu le talalelei, o lea na faavae ai lo tatou atunu lenei, fai mai e faavae Samoa i le Atua, le Atua le Tama, le Atua le Alo, le Atua le Agaga Paia lea tatou te solisoli mulivae ai lava. O le faafetai lea i le Atua. Ina ua omai le au Misionare, e omai lava o la e foi e tapuai tatou i lo tatou Atua, ae omai ma le talalelei lea ua faakerisianoina ai Samoa aoao. O lou agaga faafetai lea. Ae ta te tu lava i lenei taeao ae ta te li'a, ona e a? E ese le matautia o le mea lea ua oo i ai lenei Paeaiga ua ta i ai, ua fai ai le finagalo o tupu ma tamalii o le atunu i totonu o le Maota lenei i tofiga o lo o i totonu o le Faavae, e ala i le Faamasino Sili aemaise o le Peresetene lea ua i ai le taeao lenei. E momoli lou agaga faafetai i le Atua, faafetai i le sao o le taimi ua aumai ai au i totonu o le Palemene lenei. O lea foi ua maua mai e vaai atu o lo o i ai ni toe Ulutaia matutua e ala i lena talaga atoa i le Afioga i le Palemia, le Sui Palemia, faapena foi i lenei itu o lea e afio atu Aeau, ae a lau Afioga i le Fofoga Fetalai lea e see ai le sa o Samoa.

Ae faavae sou manatu i le tulaga lenei ua oo mai i le Maota, e faavae mai totonu o pulega a alii ma faipule, o i o le ki ma le tatala o le atunu lenei o Samoa. E iloa gofie lava nuu ma itumalo o lo o mamalu ma lelei pulega a alii ma faipule, e leai lava se mea o gase, o la e malu. E lagolago i mea fai a le Malo ma le atunu lenei. Ae iloa gofie lava nuu ma itumalo ma afioaga o lo o malepe faiganuu ma itumalo, o lea ua tatou vaai i luga, tele faamasinoga tele mea e tutupu, ona o le a? E le o kea le tupulaga i nai matai. O le a le upu matai? Matai, e mata i ai mea uma lava, mea lelei, mea leaga, o le ala lea. O le ala foi lea ou te faafetai ai i le Atua na totofi ai lenei Palemene e tau o le Fono Aoao a Samoa. Fono Aoao, e leai se isi i luga atu, o le Fono Aoao Faitulafono e faia Tulafono, e faatonutonu le lelei mo ona tagata, saili mea tonu. E i ai le taeao lenei. Ou te faafetai foi i lenei taeao, o le mea lena na aumai ai tatou i le tulaga faamatai. Faafetai lava ua leai ni taulelea se i tulou, lea sa i ai i totonu sa nofoi ai, ae a? E totofi mai a i totonu o pulega a alii ma faipule matai e omai e fai tonu o le atunu lenei. O Samoa aoao lea e i totonu o le Maota lenei. Ou te le talanoa i le Komiti ma le Lipoti a le Komiti ua aumai i totonu o le Palemene lenei. E talanoa a lou sui usufono i le mea na aumai ai au e lou itumalo. O le mea tonu lava lea, o le tofa paia, faautautaga oo i tatou matai lea na omai e fai le tulaga lea. Ou te fesili i lou itumalo i ou auala po o a mea e fai, a o le mea lea, ua aumai e le Atua le musumusuga, leaga o le taeao ese lenei i totonu o le Maota lenei, o lea e faavae sou manatu i totonu o pulega a alii ma faipule, a agasala se isi ona aumai lea i totonu i i, fai i ai tala a faleupolu, fai i ai

ma aoai ma faatonu, ia ta le fa i le aso lenei ua alu ese ma le nuu, alu ese ma le nuu, tauvalea le nuu, tauvalea le itumalo. Ia ona lafoai lava lea, ma fetuunai le faautautaga i faleupolu, ona malele lea o le matuatala, po o le o lo o faasaosao mai. Fai mai si ana tala, o le tatou nuu po o le tatou itumalo lenei e sa ni tagata faatetea ona o mai i ai, e faasa. Ae o lea la o le a faatea atu le tama lea.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

O fea e alu i ai? O le a le fesili a tagata na fai mai? O ai na i ai i lena nuu ma lena itumalo? Se leitioa lava o le tamalii lena e soo i lona tama le faimea leaga. E le tautua, na ou tulai mai i le faiga o le nuu, talofa e. O le fesili ia a tagata lea o le a omái i ai, ona faatea lea.

Ae a lelei foi se faaiuga e fai i totonu o pulega a alii ma faipule, ona alu foi lea o le tala ave i le atunu ma le... o ai na i ai? O ai na i totonu o lena nuu? Oi talofa e, e leitioa lava e ese le lelei o le tamalii, soo lava i si ona tama, e le lelei ni ana aoga, ae na tautua lava i le nuu. O tala ia. O lenei taeao lau Afioga i le Fofoga Fetalai, o ai e tua i ai Maauga? O le Maota lenei, le tofa paia lenei. Fai mai a sulu i ai le pagota e ola. Se i tulou lava le paia o le Faamasinoga ou te le oo, e le aia moo i liu o vaa. Uma ona faatino la tou pitolaau, Ofisa o Loia faafetai.

O le tamalii lea Loia Sili ma lana Matagaluega, puipuiga o le atunu lenei. E le afea lava e le sui usufono o lenei itumalo lo outou paia. O lea ua aumai e fai le tou tofa, o le a le mea na aumai ai oe? Lau Afioga i le Fofoga Fetalai e tu ai i fea Maauga? E tu lava i Nuuausala. E alualu lava timaiga ma saunoaga i totonu ae fai mai le isi tala a le isi toeaina, e ui lava i lea, ui i lea, ua aoga le tama, ua aoga e sau e fai se sao. Ia tatou vaai foi i lenei tulaga ua i ai, ua malepe lona tamaliaga, aiga, nuu, ekalesia ma atua ua malepe. Ae ou te talanoa atu i lenei taeao, e taua i tagata, e le oge tagata, e le oge loia lo tatou atunu, ae taua le tagata o le mea lena na fai e le Atua.

O lenei foi tulaga ua tatou oo i ai i lenei taeao, e o plan a le Atua, na aumai e le Atua e tofotofo ai le Palemene lenei. Sa fai e o tatou tuaa, fesoasoani ai ma nai Malo Aufaatosi, na faa-tutoatasiina lo tatou atunu, aua o lea e alalaga o tatou o tatou e leai sole, ana leai foi le fesoasoani mai o le Malo Aufaatosi e le mafai e tatou. Ua a nei? O lea ua tatou tutoatasi, tutoatasi ae o lea lava tatou te mananao e pei o Tutuila lea se i tulou Toelau, fai mai amuia latou, ua o mai Aikupito i manuia. Ae o lea ua toe tepa i tua.

Lau Afioga i le Fofoga Fetalai, e i ai se manatu o fea e tua i ai Maauga? O le Maota lenei e ola ai le pagota, e oti ai foi ia le a? Le tofa paia, le faautautaga lea na aumai ai oe, se i tulou lava le Komiti leai, talanoa lava le sui usufono lenei o Sulamanaia, o le manatu na aumai e le Atua i lou loto, e leai se tagata e le aoga i luma o le silafaga a le Atua. Ou te le talanoa ona ou te le aiga i lea tamalii, ae ou te talanoa i le mea na aumai ai tatou. Lea ua tau atu ai ia Samoa ma le lalolagi atoa le malosiaga lea e i le Palemene lenei, na pau lava lena. Ua a nei? Lea ua fesiligia e nisi le malosiaga, o ai e faia le Tulafono? O tatou talofa e, talofa e i lau Afioga i le Fofoga Fetalai, o lea ua fesiligia, a o i inei e 40, 50 sui usufono na

aumai i tatou e itumalo i le a? Palotaina e lo tatou atunu faatasi ma le musumusuga a le Agaga Paia, alu le tama lea, alu le tina lea.

**FOFOGA FETALAI:** Malo, toe lua minute o le sui usufono.

## 02 IULAI 2019

### **Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

**Afioga SULAMANAIA FETAIAI TAUILIILI TUVASA:** Ia o le a faaiu atu, e ui lava e tele se mea sa fia talanoa ai, ae o le sui usufono lenei, e lagolagoina le faaaoga o lea foi tamalii o le atunu. Aumai e fai sona sao, ua lava ma totoe saunoaga ma mea sa tulai ai, ae aumai e fai se sao aoga ona o lou popolega o lea e i totonu o le Faavae na fai e o tatou tuaa.

A faapea o le a tatou faia se isi fuafuaga, ia se i silasila i le Faavae pe e le tatau ona sui. Ao lou popolega na i le mea na vaai i ai, nai o tatou tuaa ua lagomau mai i tiasa, aemaise foi o nai papalagi na i ai i na taimi, faamaualuga lava ma faamatietie lenei tofiga, ia aua ne i vave aiaina ma ia i ai foi tagata e totofi i ai lenei fuafuaga, le faatauaina o lona tofi, i le faatauaina... ou te le auai i le mea lea o le tele o faamasinoga se i tulou le Faamasinoga. Talanoa atu fai mai e au, e alu ese leaga e relate se o Samoa o le aiga. Fai lau faaiuga i le mea na sau ai oe, totonu foi o pulega a alii ma faipule ua malepe. 100, 200 matai ulu, matai sao, matai taua, fai i ai se tatou galuega a le Palestina, leai ua malepe, o le a nofoai tatou. O i, mamalu ai totonu o le... na o le maua lava o le suafa o le isi alu i Niu Sila. Fai atu mea i inei, taofi mai, pulega ia o lea e naunau i ai le sui usufono lenei. A mamalu lava i totonu o le lotofale, mamalu foi Samoa.

Manuia le Fonousu a le atunu, e lagolagoina e lenei itumalo le toe faaaoga o lenei tamalii e tusa ai ma le lipoti o opea nei i le Maota.

**FOFOGA FETALAI:** Malo saunoa, ia tulai mai le sui usufono... tuu atu lava i le sui usufono mo Salega, malie o Gagaifomauga Nu.3.

**Susuga Hon LAAULI POLATAIVAO LEUATEA (Gagaifomauga Nu.3.):** Momoli atu le agaga faafetai i le Afioga i le Taitaifono, lau Afioga foi i le Fofoga Fetalai o le Maota Fono o Samoa.

Tulai ma le ava ma le faaaloalo tele, i lenei foi taeao faitaulia o le Palestina o Samoa. O le aso ma le filiga, o le aso foi ma le mataigatila, o le aso foi ma le mea e tupu ai, ma le aso foi ma le mea na fai ai. Na ou manatu lea, o lea ua sooula le fala, ma ua atoa pou o saunoaga o le Maota Fono i Tiafau. O le Fono silisili a Samoa, o le fono na filitagaga i ai o tatou matua, e saili i ai manu ma manuia, mo Samoa nei ma a taeao. O le malae o le faautugatagi, o le malae fai mai e na ai le tupu, pe a maua lona nofoaga. O le malae na tatou moe manatunatu pe tatou te aulia pe leai. O le malae o le tagamamanu a Samoa, i ona upufai o Malo. Manatu lea ua atoa tino o le tama na moe i le ana. Ua laulauiula ae poupoutoa e pei o le fale na i Amoa.

Lau Afioga i le Fofoga Fatalai, malo afua faafetai lou onosai. Ua mavae atu vasa sa tatou saili i ai le tamaoaiga o Samoa. Sa tatou aputiputi ai ma faafetai i le Atua, i lana foai mo mea ua foai mai mo tatou e tatau mo le aso. Le afu maligi o le atunu, seja tatou auau maa o le mativa.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

Se i o tatou manatunatu i le afu maligi o tagata, o ai lea e tuu mai ai? O outou aao, ma outou lima, Palestina o le atunu, tatou te omai e lipoi le faasoa limalima lelei. Faafetai i le Atua ua mavae lea ogasami ua uma ona asa.

O le taeao lenei, ua ou manatu e lagona i tino e maniti i pisaga, ma e lagona foi i tino le gatete pe a tu ma vaai i le to. O upu faavae o le Maota lenei, e leai se isi e sili atu, leaga o le Maota lenei, o le poutu toa o Samoa, poutu toa. E faalagolago i ai poualao o le faigamalo a le atunu. O ai le faigamalo? O le Faamasinoga, lau Afioga i le Palestina ma le Kapaneta, ma lau Afioga i le Fofoga Fatalai ma le Palestina o Samoa.

O le mataupu lea ua aumai nei, o se mataupu e le faigofie i le lagona o le sui usufono lenei ma le tapuaiga a lou itumalo, leaga o le uluai taimi lenei ua o tatou omai ai e vailiili Faavae na fai e o tatou matua. O le lagona faagaeetia o le sui usufono lenei, tatou te tutu pea i le toa, tepa i le ata, vaai pe faapefea ona sau ia le tatou folauga.

Silasila, mai le uluai Palestina, e tau mai ia tatou, faasolo mai i uluai Ao o le Malo, Fofoga Fatalai ma le Palestina o le atunu, e le o faapea o i ai mauli o tagata na i le taimi lenei. O lea tatou te fono talatala, ma e na asaina le gasu o le taeao, ma le faamoemoe o le Maota. Auau o lou manatu lau Afioga i le Fofoga Fatalai, e taatia le Maota ma le folasaga a le Taitaifono. Faafetai i le Taitaifono ma lau Komiti.

O Pepuleai Letufuga Attila, e le tau faailogaina ma taufaailoa sana galuega fai i le atunu lenei. Silasila le Maota lenei, o le tagata sa tautua tuavae i le sa avea ma Fofoga Fatalai ao avea au ma Sui Fofoga Fatalai. Sa tautua matapalapala i lou taimi faafogaga Fatalai, malie le loto, malie le agaga, ona o lenei tamalii o le atunu. E le mafai ona galo lana galuega lelei. E le i gata i i lona tauleleia, na ave i o se i tau soalaupule le la foi itu o le vai ma le manaomia o le fesoasoani, e le la itu vai o le Tafatolu o le Faigamalo. E le tau faailoaina ua leva ona iloa e Samoa atoa lona tomai, lona agavaa, ma lona tamaliaga o se tagata e tumu i le faaaloalo ma le mea lea e tou te saunoa mai ai, o le tamalii o le atunu.

Peitai lau Afioga i le Fofoga Fatalai, o lea e tuufesili lou loto, ia te au ma lau tautinoga lau Afioga i le Fofoga Fatalai, e mamae le tavae i ona fulu. Ou te le manao i le ia, ae ia ou manumanu i le upega. O i inei e faatulaga ai le mamalu, maualuga, taualoa, aloaia o le Palestina lenei. E faatulaga ai foi le mamalu, aloaia taualoa o le Faamasinoga a Samoa, le afio o le Afioga i le Sui Faamasino Sili ma le ituvai o le Faamasinoga, faapena foi le Afioga i le Palestina ma le Kapaneta.

O le mea la lea e tuufesili ai le mafaufau, ua uma ona fai le faaiuga a le Faamasinoga, maea lau Afioga i le Fofoga Fatalai. O le tatou va faafeagai ai, Tafatolu o Faigamalo, faafealoaloai nonofo ai. E le feaiaai, fetausiai, faafealoaloai. O lea la ua maea ona fai le iuga a le Faamasinoga, sa ou lagona le agaga faafetai lau Afioga i le Fofoga Fatalai, leaga foi na sau le iuga e leai se conviction, leai se conviction.

## **02 IULAI 2019**

### **Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

Sa ou manatu, o le tali lea mai le Atua mo lenei tamalii o le atunu. Peitai, e le i atoa le 24 itula ae fai le apili, o ai na fai le apili lea? Ia ou te le fai atu lau Afioga i le Fofoga Fatalai, o i ina lea ua mafua ai ona tatou toe talanoa i le mataupu lenei. O le a le mea ua toe aumai ai le mea lenei i totonu i inei ae o lea ua uma ona fai le faaiuga?

O le ava lena lau Afioga i le Fofoga Fatalai po o fea e tosi ai le laina? Le va faafeagai ai o le puipuiga o le mamalu o le atunu, le mamalu o le Tafatolu o Faigamalo i le Faamasinoga ma le Palestina. Ta ma ta mou i le silasila mai fafo, e pei e faafoliga ua tatou leiloa le mea sao ma le mea sese. E pei ua faafoliga o le agaga ia te au lau Afioga i le Fofoga Fatalai, e manumanu i le taualoa ma lelei ua tatou iloa ua convict Fepuleai i le apili na fai. A na sau lava le Faamasinoga muamua e alu lava e na o le sala tupe, ua magalo mea uma. E leai se isi o tatou e toe faalava, o le faaiuga lena a le Faamasinoga. A lea la ua aumai nei le tonu o le **Court of Appeal**, ua convict, oka, o le mea mamafa lena ia te au lau Afioga i le Fofoga Fatalai. Ua tatou manatunatu e faaali le malosi o le Palestina, ua tatou manatu e tatou te fai atu, o tatou e pule.

Lau Afioga, ia e maumau iumaea i masofa le fa le va faafeagai ai. Lau Afioga i le Fofoga Fatalai ou te manumanu i le Tafatolu o Faigamalo, ina ne i mea ane ua tatou manatu i umaea ma tatou alolofa ia Fepuleai, ae le se i silasila i le mamalu o le Palestina. O le agaga lena lau Afioga i le Fofoga Fatalai, o alofa na o alofa nei, ua uma foi ona ou faasoia i le uso. Fepuleai ua e silasila mai i le mea lea e tupu ia te au, o tuuaiga ae ua ou faamavae ona o lou alofa i le atunu, ma tofiga. A o le ala lea ua ou tu atu lau Afioga i le Fofoga Fatalai, e talosaga i lo tatou Palestina, toe tu le too ma tepa i le ata, silasila mamao i le Faigamalo a Samoa. Ua uma na fai le faaiuga a le Faamasinoga ua uma foi ona fai finagalo o le Afioga i le Faamasino Sili ma lana Komiti, ua uma foi ona fai le finagalo o le Loia sili. O le a le finagalo? Vaai i le ogatotonu lemu lea e tosi ai le pule, ina ne i sopo le tai i le eleele ma sopo le pule a o i le pule po ona malepe loa lea o le atunu. E tatalo atu ai ma le agaga faaaloalo lau Afioga i le Fofoga Fatalai, e manumanu ma alofa i le afioga ia Fepuleai, ae ua ou talitonu ua maea ona fai le faaiuga a le Faamasinoga o le iuga lena e aloaia e le itumalo lenei.

E faamalulu atu Samoa i lau faafofoga, faamalulu atu foi i paolo ma gafa ma latou uma o e tau i lenei tamalii o le atunu. A o alofaaga molipo e le iloa po o ai e tua i ai le mea lea o le a fai. Ae o le a taatia i le ogatotonu o le Maota lea lo outou finagalo ma la outou tofa saili e uiga i le mataupu lenei, ao le agaga

maualuga lena lau Afioga i le Fofoga Fatalai. Ou te lagolagoina ai le faaiuga a le Faamasinoga ua uma ona fai. Ma lou agaga faaaloalo.

**FOFOGA FETALAI:** Ou te tapa le sui usufono mo Nuu Tu Taulaga i Sisifo.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

**Afioga FAUMUINA ASI PAULI WAYNE FONG (Nuu Tu Taulaga i Sisifo):** E momoli atu le faafetai i lenei aso, i le afio a lau Afioga i le Fofoga Fatalai, afio lau Afioga i le Palestina aemaise foi le sui Palestina, mamalu o le Kapaneta aemaise Minisita lagolago o lena itu. Afifio foi lenei itu, Taitafono o Komiti aemaise foi le mamalu o sui usufono. O lea foi ua tatou faatasi i inei ma Ofisa Sili o Pulega a Matagaluega taitasi a le Malo, aemaise foi le Failautusi o le Fono Aoao Faitulafono ma le aufaigaluega o lo o tautuaina lenei Matagaluega. Ae o le a taumafai atu se manatu.

O le a tuusao atu se manatu lau Afioga i le Fofoga Fatalai, o lea ua uma ona tatou papae Samoa ma ona mamalu i tulaga ia. Ae ona o le faasaoina o le tatou taimi lau Afioga i le Fofoga Fatalai. I le fuafuaga mai o lenei mataupu, o i inei le Maota fono lenei e fai atu ai Tulafono a le Faamasinoga, ona ave lea e faaliliu ma faauigaina e le Faamasinoga Tulafono, e fau atu i inei i le Fonotaga lenei. O lea la ua uma le galuega ua uma ona faia e le Faamasinoga, ona toe foi lea o se manatu i le amataga o lenei mataupu ina ua tulai mai. O lea sa taea e isi sui usufono ia, ina ua tulai mai le faamasinoga o toe iloiloga e le faamasinoga maualalo, na maua ai le faaiuga, e solo fua pe leai se conviction. Sa i ai lava le manatu e faanoanoa, ae se paga lea e talia ma le faaaloalo, e ui ina maualalo le faamasinoga sa fai ai, ae sa talia ma le agaga maualalo. Ae peitai ina ua toe aafia le ofisa o le Loia sili, ona toe i ai lea o le isi fesili. Po ua faamalieina vaega o le Tulafono i le faaiuga a le faamasinoga e uiga i le faamasinoga maualalo? Sa i ai lava le faanoanoa, o le tele o tupe o le a toe alu ai, ma tele le tatou taimi o le a toe alu ai. Ae se paga lea ua aoga foi le tulai mai o le apili sa o tatou tilotilo ma tatou faitau i ai i le faaiuga ina ua aumai, e le i faamalieina vaega uma o le Tulafono i le faaiuga muamua. Ona oo ai lea i le taimi ina ua faamavae le Afioga i le Peresetene, sa tatalo i le Atua se faafetai le Atua o lenei ua faamavae, ua faigofie ai le mataupu. Ae lilo i manatu e oo mai i inei i le Fonotaga lenei.

Lau Afioga i le Fofoga Fatalai, silasila foi lau Afioga, a solitulafono le lautele o le atunuu lenei, e ave i le Faamasinoga maua lona iuga. A solitulafono Susuga i Faafeagaiga, e ave i le Faamasinoga maua lo latou iuga. A solitulafono Ofisa Sili o Pulega a Matagaluega e ave i le Faamasinoga maua le iuga. E faapena foi i sui usufono, o lea o lo o i ai le sui usufono o lo o molia i le taimi lenei, o solitulafono ae ave i le Faamasinoga e maua ai foi lona iuga. Sa faapena foi Minisita, ave i le faamasinoga maua le iuga, e oo i le Palestina o Samoa sa i ai i le isi vaitaimi, na

ave ai i le Tulafono molia, ma aveese ma le tofi Palemia lau Afioga i le Fofoga Fetalai.

O lea ua oo mai i lenei aso, ma le faamoemoe o le tatou Fonotaga i lenei aso, taatia ia le Lipoti a le Komiti, o lo o alu lava latou i fuafuaga faale-Komiti, i tulaga e tatau ona iloilo i ai. Ae o lea sa tatou iloilo i le Tulafono ma le faauigaina e le Tulafono o le faamasinoga lenei.

**02 IULAI 2019**

**Iloiloga o le Lipoti a le Komiti Suesue Faapitoa a le Palestene ma Pepa o le Saunoaga Faa-Minisita a le Afioga i le Palestene o le Aso 28 Me 2019**

E sao, ua tele galuega lelei i le Matagaluega sa auauna ai i le Malo aemaise foi o i inei i le Fono Aoao Faitulafono a Samoa. Ae faigata ua soli e le Afioga i le Peresetene le Tulafono. O lea la ua oo ai nei le Tulafono i le tulaga lea ua i ai i le taimi lenei. Ae a na faaaoga lenei taimi e fai ai nisi Tulafono aua le aoga o Samoa ma lona lumanai, e manaia. A o le faalavelave o lea ua oo mai i inei....

**FOFOGA FETALAI:** E fia fesoasoani atu i le sui usufono o lo o saunoa, aua e pei e tai taga tutusa lava lau saunoaga ma le saunoaga a le sui faatoa mavae atu nei. Ae e le i taoto i se taotoga malie le tulaga o le faaiuga o le mataupu lea. O le ala lea o le saili mai o le Faavae, o le Faavae la lea e ala i le faatonuga lea, ae le faapea ua faamalieina le Tulafono. O lena e silasila i ai ua le mafai e le faaiuga ona faamalolo tumau le Peresetene. Ae fai mai le Faavae 68(5), o le a le aveesea se Faamasino o le Faamasinoga Sili mai le tofi, vagana ua faia e Le Ao o le Malo i luga o le talosaga a le Fono Aoao Faitulafono o le Palestene, e aofia ai ia le itiiti ifo i le 2/3, i latou o e lagolagoina. O le Faavae, o le mea la lea leaga o lea e alu i tua a tatou faasalalauga, i faitau sese mai e le atunu ona faapea lea ua tatou aapa fua i mataupu tau faamasinoga. E leai e supreme le Faavae, o lea la tatou te talanoa i le Faavae lea e fai mai, e fai e tatou le faaiuga. O le mea la lea, se i fesoasoani mai le sui usufono. Aua ne i limataitaiina sese ai e se sui usufono i sana saunoaga le faafogofaga tapuai mai a Samoa.

**Afioga FAUMUINA ASI PAULI WAYNE FONG.** Leai o lea lava e taumafai atu se manatu aua le tatou mataupu, ae o lea ua malamalamama, o le tulaga lena, o le taumafai atu lau Afioga i le Fofoga Fetalai. Ae o le a avatu se manatu o lenei sui usufono, i le taimi e fai ai la tatou iloiloga ma le tatou faaiuga. E momoli atu ai le faafetai tele i lenei aso i lau Afioga i le Fofoga Fetalai aemaise o le faafogofaga a Samoa faapena foi le mamalu o le atunu o lo o faafogafoga mai. Manuia le Fonotaga i lenei aso faafetai.

**FOFOGA FETALAI:** Malo faafetai, tulai mai le sui usufono o.....e pei e manaia le felafoai. Tulai mai le sui usufono mo Faleata i Sasa. Se i tulai mai le sui usufono mo Faasaleleaga Nu 1 Sisifo.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fatalai, ou te muamua lava ona ou momoli atu le agaga faafetai tele mo le avanoa, e mafai ai ona avatu se lagona o le itumalo o Faasaleleaga Nu 1 i Sisifo. E tusa ai ma lenei mataupu taua i totonu o le Maota Fono Aoao a Samoa. E muamua lava lau Afioga i le Fofoga Fatalai, ou te lagona lava lou tulai atu ma le ava ma le faaaloalo.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

Ou te lagona lou gatete ona o le Fonousu lenei, o le Fonousu a Samoa aoao. Ua autasi i ai sui mamalu mai itumalo taitasi o Samoa. O i foi lea ua tasi i ai Fonotaga taitasi a alii ma faipule mai nuu ma afioaga taitasi. O lea ua filifili mai ai sui usufono taitasi e faaleo lagona ma finagalo o itumalo e pei ona ou tulai atu ai. O le mea lea ou te lagona ai le faaeteete, ou te lagona ai foi lou popoe, e ao foi ona ou tautala ma lou ava ma lou faaaloalo o lo o faafogafoga mai lou itumalo. Aua se manatu e avea ai au ma sui usufono o le itumalo.

Lau Afioga i le Fofoga Fatalai, o le mataupu lenei e le o se mataupu faigofie. O le mataupu foi ou te lagona e le au maua ni avanoa o sui mamalu mai le amataga o le Tutoatasi o Samoa, o lea ua oo mai i lenei taeao, faatoa maua se avanoa e mafai ai ona faaleo ma tautala i lenei lava vaega o le tatou Faavae. Ma o le mea lea, e le soona faaalia ai se manatu. O se manatu sa mafaufau i ai i ni aso e tele, sa tuu foi i luma o le Atua e fesoasoani mai i se vaivaiga o le tagata, ae ia iu mea uma faaalia ai se tofa se faautaga aemaise o le musumusuga a le Atua.

E tolu lava ni mea lau Afioga i le Fofoga Fatalai, ou te fia talanoa i ai. O le mea muamua e pei ona ou faaali atu, o le Fono Aoao a Samoa atoa. O le Fono e sulufai i ai, aumai i ai mataupu ua le mafai ona oo i ai se faaiuga a se tasi lava vaega a lo tatou Malo po o lo tatou atunuu, vagana lava le Fonotaga a le Palestina o Samoa, o lea la e i ai le mataupu lea. E agaga lava se faamatalaga i le fono lava lenei o pulega a alii ma faipule lea ua aotelega i totonu o le Maota o Samoa nei.

O sau faamatalaga lona lua lau Afioga i le Fofoga Fatalai, o lea ua oo mai le mataupu, o le manatu e tulai mai. E so o se mataupu e oo mai i totonu i le fonotaga a alii ma faipule, o le a le tulaga na amata mai ai, ma aiaiga ma ooooga ua oo i ai se mataupu. Aua foi lau Afioga i le Fofoga Fatalai, e ese mataupu e lotea i totonu o pulega a alii ma faipule ese mataupu e lotea e le Tulafono. O o mai i totonu o pulega a alii ma faipule, o le fesili, o le a le faasalaga? o le a le tulaga i le Tulafono o le mataupu? Fai mai le upu ua uma ona sala. Liuliu le tofa ma le faautaga i le pulega a alii ma faipule, e leai se tasi e sala faalua.

Ia tatou mafaufau foi i le alofa o le Atua o le alofa e faamagalo, o le a le leaga o le tagata, o le a le agasala matuia e oo i le fasioti tagata, a lea na faamagalo i luga o le satauro o Iesu Keriso. Ma e tolu au mataupu e fia aumai lau Afioga i le Fofoga Fatalai, o mea nei e tolu e tumau, o le faatuatua, o le faamoemoe, o le alofa. A o le sili o na mea uma, o le alofa lea. Ma o le alofa lena e salani ai

faaiuga po o totonu o pulega a alii ma faipule mai afioaga taitasi o lo o avea ai tatou ma sui i totonu o lenei Palemene, e oo mai foi i totonu o lenei Palemene, o le alofa e salani ai mea uma.

Ma o se tala lena lau Afioga i le Fofoga Fetalai e molimoli atu ai se manatu i lenei mataupu. E le oo lava se faamatalaga i le Lipoti a le tatou Komiti ua uma ona outou faalogologo ma faafogafoga, ae avatu lava i le agaga e tusa ai ma le mataupu ma le oo mai ai e fai i ai se faaiuga a le Palemene i le Faavae o Samoa e tatau ona tatou agai i ai.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

O lau tala mulimuli lau Afioga i le Fofoga Fetalai, ia alofa le Atua ia maua le tofa, maua le filemu e faafoe ai le Fonousu a Samoa aoao. E faapea foi lau Afioga i le Palemia, le Sui Palemia ma le Kapaneta ma le Palemene atoa, ae magalo se leo o le sui usufono mo Faasaleleaga Nu.1 i Sisifo, ia manuia tele lo tatou aso. Faafetai.

**FOFOGA FETALAI:** Malo saunoa i lau Afioga i le sui usufono mamalu. Tulai mai le sui usufono mo Faleata i Sasae.

**Afioga SALAUSA JOHN AH CHING (Faleata Sasae):** Faafetai tele i lau Afioga i le Fofoga Fetalai mo lenei avanoa. Ou te tulai atu foi e fai se faamatalaga e fai ma sui o le itumalo o Faleata Sasae aua lenei mataupu ese ma le taua ua opea nei i le Maota. Ma e fiafia tele le agaga ina ua tatou tau i lenei mataupu. Ae le i aluloa se faamatalaga, se i ou fai atu lava se faamatalaga e faataua ai le tulaga faamatai i totonu o Samoa. O atunuu ia o Fiti ma Toga, sa matou talanoa i le isi aso i le fono sa ou i ai i Niu Sila, matou talatalanoa loa lea i mea nei o matai. Na ou fai atu lea, o Samoa, so o se isi lava e mafai ona matai i totonu o Samoa. Ae o ou qualifications po o au mea e manaomia e avea ai oe ma matai, o lau tautua. E te tautua i lou aiga, e pei lava o le upu, o le ala i le pule o le tautua. Ia, ua tete'i latou, ona pei lava ona outou silafia o Toga, a e le soifua mai i le lalolagi lenei o oe o se noble, e te le noble lava, e le avea lava oe o se matai. O lou tulaga lava lena e iu lava le lalolagi o lou tulaga lava lena. E faapena foi le atunuu o Fiti, a e le soifua mai i le lalolagi lenei o oe o se Ratu, e te le Ratu lava. O qualifications ia o ia atunuu e avea ai ma taitai, e avea ai ma matai i totonu o se aiga ma se faauluuluga o se nuu. Ae faapei i Samoa? Ia o lena. O le auala i totonu o le pulega ma le tofiga faamatai, o le tautua, o le ala i le pule o le tautua.

Ona ou oo mai loa lea i le tatou mataupu o lo o talanoa nei, o lea ua tulai mai, aua o lea ua uma isi faamasinoga e tolu, o lea ua tulai mai le mataupu lenei o lea ua lafo mai i totonu o le Palemene. O le mea foi lea, o i lea ua tatou iloa ai, o lo o faagasolo pea le tuputupu i luma o le soifuaga ma le faagasologa ma le tapenaga o Tulafono mai lea taimi i lea taimi, po o fea le Tulafono e tatau, a o fea le Tulafono ua tatau ona toe teuteu. O i lea ua tatou vailiili ai le fesootaiga o Tulafono faa-Peretania ma le tofa ma le faautaga faamatai Samoa, o i lea ua tatou vailiili ai. A

tatou mafaufau i le mea lea na tupu lata mai nei lea na tatou sua ai le tatou Faavae, ua leva ona tatou pepese e faavae i le Atua Samoa, ae sue atu le tusi o le Faavae, e le o i ai i totonu. A o lea na ou maua i le faamatalaga i aso foi a o fuafua mai lenei faamoemoe ina ia tutoatasi lo tatou atunu, sa faapea se faaupuga a e na omai mai fafo i malo aufaatasi, ave ai pea faapena ina ia vave ona pasia, aua foi o nuu la e i o, e i ai le faavasegaga e le tuufaatasia le lotu ma le Malo. E le faapena ona fai, e aveese le Malo, aveese le lotu.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

O le mea lena, e pei o se fautuaga lena na aumai e i latou na omai mai fafo, ave faapena aua le tuua i ai mea na te i ua faigata ona maua le tou tutoatasi. Ona ave ai lava lea faapena, ma tatou pepese lava e faavae i le Atua Samoa ae le o i totonu o le Faavae. O le isi lena mea e ese le taua.

Na tatou talanoa foi lata mai nei i le tau faavasegaga o Tulafono ma le aia tatau, le aia tatau a le tagata e toatasi ma le aia tatau faa-tagata toatele po o community rights versus individual rights. E i ai le fono a alii ma faipule e faasala ai se isi pe faatea ese ai ma le nuu, ona aumai lea i totonu o le tatou faamasinoga. E moni o la e faatea ma le nuu, ae le alu ese ma totonu o le nuu. Ua taofi ma faataua individual rights. O mea la ia, o tulaga ia faapea o lea e alu lava, o lea e tapena lava, o lea e ola lava, o lea e soifua lava, o lea e alu lava le mea lea e tatau ona tatou mafaufau i ai ma teuteu ina ia o talafeagai ma le tatou aganuu. So you still... its a living process, e le mate, e le gata foi i i, e tatau ona develop pea ma fesuisuiai mai lea taimi i lea taimi ina ia faamalieina uma itu e lua.

O le tatou Tulafono lea na faavae ai lo tatou Malo, o le Tulafono na aumai mai fafo, lea e oo mai lava i le taimi lenei e le o mafai lava ona fesootai mea uma ma le tatou aganuu. O lona uiga o lea lava e develop, its a living process, o lea e tatau ona faatino. Faafetai tele i le tulaga na oo i ai le faamasinoga, faafetai i le Susuga i le Loia Sili ma le Ofisa i le faiga o le Tulafono lenei ma le mataituna o mea nei, leaga o le Tulafono a o le Tulafono. O le Tulafono foi, e faasasao a le alu a le Tulafono e le pio, po o ai lava e lavea ai e sao lava. E le mafai ona alo le Tulafono i so o se tagata. O lea la ua uma le tulaga lena i faamasinoga ia e tolu, a o lea ua lafo mai i totonu o le tatou Palestina. I lau la tilotilo i ai i lenei mea, o lea ua lafo mai i le Fono a alii ma faipule Aoao o Samoa se i filifili i ai le tofa ma le faautaga. Ia e ese foi la le faiga o sailililinga ma faasinoga faaleaganuu ia, e vaai i le va faa-le-tagata, e vaai i le va nonofo ai, e vaai foi i le vai tagata, po o le a le vai tagata.

**FOFOGA FETALAI:** Toe lua minute o le sui usufono.

**Afioga SALAUSA JOHN AH CHING:** O le vai tagata lena e sau ai mea ia o le ala i le pule o le tautua, e au i le tauola, e au foi i le fagota. O le vai tagata lea ou te manatu, o i tonu le isi mea lea e afaina i le mataupu lenei e tusa ai ma le

Lipoti a le Komiti, le vai tagata lea, e i ai le va nonofo ai, e le sopo atu le isi vaega i o i le isi vaega. Ua uma ona i ai alii ma faipule, ua uma ona i ai faletua ma tausi, ua uma ona i ai tamaitai ma saoao, ua uma ona i ai le malosi o le nuu, e le fesopoi, ae a? E faapefe? E au i le tauola e au foi i le fagota, e i ai foi lo latou taimi e sau ai, e i ai foi lo latou taimi e taunu ai i luga. A o le a? Tautua ma fai uma, faatino uma tulaga e tatau ona fai.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

Ona o le taimi ua puupuu, o le isi mea taua lea ou te faalogologo atu i ai, o le faaleleiga lea i le va o le Afioga ia Fepuleai ma le Afioga foi ia Leota le sa aafia i le mataupu lenei. O lea foi ua aumai lava i totonu o le saofaiga lenei a alii ma faipule, o lea ua uma ona fai le faaleleiga e tusa ai ma le Lipoti, o lena foi ua aumai le finagalo o Leota e manao e faaauau Fepuleai i lana galuega. O i la e sasaa i ai le tofa ma le faautautaga, e tatou te fua foi i le agasala po o le a le mea na tupu. E faapena ona fai. A o tulaga faapena, e mulimuli ane ona fesili lea o alii ma faipule. E a le tulaga o le tama lea? O se tagata e tautua lelei? O se tagata e aoga? E faapena, e fua i ai le faaiuga a alii ma faipule.

O le mea lea, o le a faauma atu se tautalaga i lenei itula lau Afioga, faafetai tele i lau Afioga i le Fofoga Fatalai. E avatu foi le faamalo ma le faafetai i le Komiti sa sailiilia lenei mataupu, ua faalogologo lava ma le totoa analieila ua atoatoa lelei sailiiliga a le Komiti, ua fafia ai foi ua manino foi lenei mataupu i lau faalogologo ina ia fesoasoani foi i mafaufauga aua se faaiuga e tatau ona fai.

Faafetai atu foi i le Matagaluega o Faamasinoga ma la outou galuega o lo o fai, le Loia Sili, aua o lo o faatino lava la outou matafaioi e tusa ai ma uiga o le Tulafono. Ma o lea e faapea atu ai se manatu o lenei itumalo, e lagolagoina pei ona tuuina mai le Lipoti a le Komiti mo nei sailiiliga. Faafetai tele mo lou avanoa.

**FOFOGA FETALAI:** Faafetai. Masalo ua maea sui usufono e fia saunoa. Se i tutulai mai lava sui usufono e fua i ai lo tatou taimi faigaluega, ona e i ai le manatu o le tatou aso mulimuli lenei. Se i matau ifo, tasi, lua, tolu, fa, aua e tofu lava ma le lima minute, e vave foi.

Ia, se i tulai mai le sui usufono mo Faleata Sisifo. Faamolemole tulai mai e saunoa.

**Tofa LEALALEPULE RIMONI AIAFI (Faleata Sisifo):** Faafetai i lau Afioga i le Fofoga Fatalai mo le avanoa. Ou te talitonu o le taimi lenei o le taimi o Faleata, ona o le lupe tutasi lea a Faleata lea faatoa maea ona saunoa, a o le mamoe lenei a Faleata.

O le mataupu lau Afioga e pei ona saunoa i ai le tele o sui usufono ma le Afioga i le Palestina ma tatou uma ma le Taitaifono i lenei taeao, e taia pea i ou taliga faapea o se mataupu ogaoa, o se mataupu taua, o se mataupu faatoa tupu i totonu

o le Palemene o Samoa. E moni, e faamaoni. Ae i lou sui usufono ma lou tagata, o se mataupu pito sili lenei, a fua i au faaiuga e fai i le Palemene lenei ma lou tagata, o se mataupu pito sili ona faigofie ona fai i ai lau faaiuga. Faigofie. A fai sau faaiuga lau Afioga, e te faia le faaiuga e te moe lelei ai i le po ma fafia lou loto. Fai mai tagata, "Leala, po o fea e te i ai e te fafia lou mafaufau, e te ata i taimi uma." O lau tala i ai, "O le tagata e mama le loto." A fai lau faaiuga, fai le faaiuga i lou loto, tatalo i le Alii, a e moe i le po, e te taagulu i le po atoa, e leai se mea e lualuagia ai lou mafaufau.

**02 IULAI 2019**

### **Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

Na pau lenei o le mataupu, o le mafuaaga lava i le faigofie o lau faaiuga lau Afioga, na pau lenei o le mataupu na molimau i ai le Sosaiete a Loia, Loia uma o Samoa, molimau i ai le Faamasino Sili, molimau i ai le sa Faamasino Sili, molimau i ai le sa Loia Sili toe molimau i ai le Loia Sili o i ai nei. O ai la o aisili? O le faigofie lena ona fai o lau faaiuga. E le gata ina aumai i inei i le Fono a le Palemene, o tatou e fausia ma faia Tulafono, a o lea ua uma ona faaali i ai finagalo o i latou e faalailiuina le Tulafono, ae le gata i lea, ua fai i ai ma le faaiuga a le Polofesa o le Tulafono. Ua ou le iloa la po o ai ou te toe fesili i ai. E na o le Atua la e tatou te fesili i ai. A ua uma, o le faigofie ia lau Afioga o le mataupu.

Ua uma le faamasinoga o Fepuleai, uma na fai le faamasinoga, uma na fai le faasalaga, uma na totogi lana sala, ua tutusa lava ma tatou. Leai se noanoataga o i ai. Ua **complete**, ua uma atoa le **legal process**. O le mea e le fafia ai lou loto, o lou mafaufau lau Afioga, **Democracy is alive and well in Samoa, and that's the rule of law**, lea tatou te pisa ai. Na ala la ona tatou omai i inei ma tatou talanoa i le mea lenei, o le rule of law. Aua o le Faavae lea e aumai. Pau le mea lea e aumai i le Palemene, ma fesili mai, po o le a se tofa ma se finagalo a o se moe pe toe faaauau Fepuleai i lana galuega pe leai, pau lava lea. Ae o le faamasinoga ua uma.

Faafetai foi i le Loia Sili ua apili, ua matua complete ua uma uma le faamasinoga. Na ou tilotilo loa lea i le lipoti, aumai ai ni nai mea e fau ai lou manatu. Ou tilotilo i le faaiuga a le **District Court**, faaiuga o Faamasinoga Maualalo, tele le faaiuga, matua **detail**. Tasi lava le mea na ou aumaia e 92 o le faaiuga, pito i tua, faapea mai le Tamaitai Faamasino, a faia le faaiuga lea ia te oe ma molia ma faamaonia lou faasalaga ma e le toe faaauau i lau galuega, e leai se eseesege ma se faasalaga o se tagata faasalaga oti, a **death sentence**. Ioe o le a faamuta ai o lea lelei o lau galuega.

O lona uiga, ua tali le isi vaega o lau fesili, e faaauau ma le le faaauau, o lea ua toe tali e le Faamasino e tatau ona faaauau. Oo mai i le faaiuga a le Appeal, o le a foi o le Court of Appeal, Faamasinoga toe Iloilo, o lena e manino lava le faaiuga a le Court of Appeal. E leai se fesootaiga o le faasalaga lea ua i ai ma le conviction ma lana galuega, e ese lava galuega. O le toe tali lena faamautu o lau fesili lava ia te au, e le o tagofia lava galuega a le tagata, vae ane... e faaauau pea. O le faigofie lea lau Afioga o le fai o lau faaiuga. E faigofie ia, lea ua aumai uma mau,

faamasino, aumai mea uma, e tilotilo ma liuliu, matautia le mea. Ao le fesili la lau Afioga, e i ai ni tagata na nofosala i le falepuipui o mai toe avea ma sui usufono o le Palemene nei? O le tali ioe, e i ai. E i ai ni tagata na falepuipui toe o faifeau? E toatele, e toatele.

Sa i ai le mea faapea na tupu i le isi Faamasino o le Faamasinoga Maualuga i i. Ou te le fia taua le suafa, e tutusa lava mafuaaga. Ae sa mafai ona teuteu, tonu na fai, ae o le a le mea o i ai? O la lava e faamasino e oo mai i le aso. O la e Faamasino e oo mai i le aso, o la e faaaaua ma faaaoga e le Atua ona tagata.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

O le Atua lea e tapuai ai Samoa lau Afioga, o le Atua tuu avanoa. O le agasala o le mea uma la tatou. O le salamo o lau filifiliga lea e te faia. Ao le faasala o le tagata, e le o se mea lena a oe, o le mea a le Atua. E na o le Atua e na te faasalaina le tagata. Lea, e taua... ua faamagalo e le na tupu ai le faalavelave Fepuleai, faamagalo. O le a la le isi mea a tatou e fai?

**FOFOGA FETALAI:** Toe lua minute o le sui usufono.

**Tofa LEALAILEPULE RIMONI AIAFI:** Faafetai i lau Afioga, ua uma foi le aano o le mea. Lea ua faafogofa mai lou itumalo ma Samoa atoa i le mafuaaga e ala ai ona faigofie le faaiuga a Leala, i lenei mataupu. Faafetai ai i tuaa na taatia mai, na iu ai lea o au upu faapea lau Afioga, o le lauga a le matou faifeau i le vaiaso na tea nei, lauga i le Isaia e 32. O Isaia na valoia le Mesia, ua maea le Mesia ua afio i le lagi lea tatou te faatalitali le toe afio mai. Ae na lauga ai le faifeau, faapea mai, faitau le Isaia e 32, faapea mai, ‘O le finagalo o le Atua ia avea tatou ma lafitaga, maluapapa mo i latou e moomia le fesoasoani’. Ia avea i tatou ma maluapapa, tafe atu ai le vai o manua.

O faaiuga ia tatou te faia, e tumau e faavavau, e fesili i ai taeao, fesili i ai. Ma o lou talitonuga o le faaiuga lenei e le gata i Samoa. O le a fai ma lesona i atunuuma o le lalolagi. Lesona e ao atu i inei i Samoa, leaga o le Samoa a tusi lana Tulafono, e le tusia e tau ina tutusa tagata uma. A uma ona tusi le Tulafono, ona tilotilo lea i ai, pe feaiaai ma lona talitonuga faakerisiano. Afai e feaiaai ona taatia lea, e tusi Tulafono, mautinoa e o faatasi ma lona talitonuga faakerisiano ma lona talitonuga faaleaganuu.

Ia manuia le faamoemoe, ou te lagolagoina i le agaga fiafia ma le agaga loto maulalalo, le fautuaga a le Komiti, e toe faaaaua le Peresetene e aoga, aua Samoa, faafetai.

**FOFOGA FETALAI:** Malo, faafetai, ou te tapa ma le faaaloalo le sui usufono mo Falealili Sisifo.

**Tofa AUMUA ISAIA LAMEKO (Falealili Sisifo):** Lau Afioga i le Fofoga Fetalai, faafetai mo le avanoa i lenei itula o le aso. E fai foi se manatu e faatatau i

le lipoti a le Komiti, ua taatia i lumamea o le Palemene lenei. E momoli lau faafetai e tusa ai ma lenei lipoti ua aumai. E i ai le manatu, e fia fai se manatu ina ia faapena ona ave i ai le faataua i le faatofalaiga a le Komiti e tusa ai ma lenei mataupu.

E pei ona faaalia e le tele o sui usufono, e le faigofie ae faigata. Aisea? E faigata ona o le tulai mai o lenei mataupu, lea ua fai i ai le faatofalaiga a le Palemene nei. E avea ai au e fai ma sui usufono o si ou itumalo, le Paia ia Alalagafa Lalonofo o Tuafale, Tauaga Eseese i Falealili, tapuai maia, se i fai se sao e tusa ma lenei mataupu.

## **02 IULAI 2019**

### **Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

E tolu vaega e mafai ona ou vaevaeina, e faamatala ai le aoga ma le taua o lenei mataupu. Silasila i le tusi a Ioane 8:32 o lo o faapea mai, ‘E iloa foi e outou le mea moni, e tuusaoloto foi outou e le upu moni’. Ia musumusuina e le Agaga Paia, ina ia tapena ma faaleo lo tatou sao i lenei taeao. O le a le uiga o le mea moni e saoloto ai oe? O le talatalanoa, talatalanoa i le faasinomaga ma le faataua o le aoaoina, ma le talitonu i le mea e moni. O foliga vaaia o le iloa o le mea moni ma talitonu, ina ia mafai ona fai se tonu fai i lenei mataupu.

O le vaega muamua lau Afioga i le Fofoga Fetalai, e fia oo se faamatalaga i le tulaga lea sa taua ai le pulega a alii ma faipule. E leai se eseesega o tatou, e tatou te faalupe o tatou o le Palemene lenei, o lupe na faia mai i le fufui. E ui lava sa vaoesese, a ua fufui faatasi i le alofa ma le agalelei o le Atua. O Tulafono a Alii ma Faipule ma ona Teuteuga talu ai nei lava, o lo o faataua ai le tuu avanoa, tuu avanoa o alii ma faipule i le tagata agasala. Aisea e tuu avanoa i ai? O le Teuteuga o le Tulafono ina ia mafai ona tali atu le tagata agasala, i le saofaiga a alii ma faipule o nuu taitasi, ina ia mafai ai ona tali i eseesega, o le aiatatau taitasi, ma le aia lea e pei ona taua e pei o le community rights.

Ia i lou lava talitonuga o pulega a alii ma faipule, o i i o lo o i ai le tofa sasaa, le tofa loloto e talatalanoa ma fetuutuunai muniao, ao le iuga lava o se mataupu, o lo o i ai vaega taua o le Tulafono o lo o faapea mai ai, ‘a mafai ona maua le gatasi o finagalo i se mataupu, o le iuga lena’. E pei ona taua... fai mai se tasi o muagagana, ‘afai e te agasala, e tatau ona e faamagalo atu i lou tasi o uso ua agasala, aua a e le faamagaloina, e le faamagalo foi e le Atua’. E faapei o tatou faiganuu, e tuu avanoa i o tatou tagata, ia ola le tagata.

Ua maea le iuga a le Faamasinoga, e faatatau i lenei mataupu. O lou talitonuga lau Afioga i le Fofoga Fetalai, o le tulaga lena e tatau ona i ai. Ae ia tatou tuu avanoa, tuu avanoa o lea ua uma le faasalaga faalemalu, a tuu mai i le tatou faiganuu lenei, o lou talitonuga, tuu le avanoa i le tagata e aoga.

Lau Afioga i le Fofoga Fetalai, o le manatu lea e tusa ai ma lenei mataupu, e lagolagoina ai le faaauauina e pei ona faatulai mai e le Komiti, faafetai.

**FOFOGA FETALAI:** Malo, faafetai, ia see mai i le sui usufono o Aleipata Itupa i Lalo. E te le fia saunoa a? Ia se i see atu la i se isi sui usufono. Ia se i tulai

mai le sui usufono o Anoamaa Sasae. O lea ua aumai le lisi o i latou e fia saunoa, tulai mai Alaiasa. Ia ave ia le faaaloalo i le Alii Matua. Ia Gagaemauga Nu.2.

**Afioga Alaiasa Muagututia Moefaaouou Malagaitutogiai Sepulona Moananu (Anoamaa Sasae):** Manuia lau lauga Saleaula.

**Tofa Hon FAASOOTAULOA PATI TAULAPAPA (Gagaemauga Nu.2):** Faafetai lava. Faafetai i lau Afioga i le Fofoga Fetalai, fia maua foi se avanoa o lenei itumalo e avatu ai se sao aua le mataupu e pei ona tatou soalaupuleina i lenei itula o le aso.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palestina o le Aso 28 Me 2019**

Ua leva lava ona faalogologo lenei itumalo ma faafofoga i saunoaga ma timaiga i sui usufono mamalu o lenei Fonotaga. Ae sa ou tulimatai lava i tulaga o le auga o le faamoemoe ona ou manatu ai lea lau Afioga i le Fofoga Fetalai, e muamua lava ona tapui le tapu a Tupo ma ou faapoipoi lilia faaalofisa o tupu na i malae o le vavau. E pei foi ona silafia o lo o faafogafoga mai si ou itumalo, o lenei mataupu o soalupuleina e le faigofie. Ae o lenei foi itumalo e le nofonofo ai, ae e pei lava ona ou tulai atu, ou te faaeteete, ma ou popoe, i tulaga aua upufai o Malo.

O Samoa ua uma ona tofi, e le o se atunu taliola o le atunu ua uma ona tofi, soalaupule. Ua i ai ona tupu, ua i ai ona tamalii, faleupolu ma tofiga i tulaga o upufai a Malo. E lagona lava e lenei itumalo le agaga faafetai. E leai lava se faanoanoa o lenei itumalo, o lo o tapuai mai lou itumalo. O le a lava le mea e oo i ai se tofa ma se faautautaga, ua malie lava saunoaga ma timaiga e oo foi i le Lipoti a le Komiti e pei ona tofia, o lea ua faafogafoga le itumalo. Ae e pei lava ona... i le amataga lava o lenei mataupu, sa saunoa i ai le Afioga i le Taitai o le Malo, "o le ua iloa le mea e tatau ona fai ae le faia, o le agasala". O itu ia e faaeteete tele i ai le itumalo lenei. O itu foi ia o lo o faapena ona nofo tapuai i ai le itumalo lenei. E le faia i se loto o se sui usufono mamalu nei, e fesili lava i lou itumalo, o lou itumalo foi na aumaia au e fai so latou sao i tulaga o upufai o Malo. O le mea lea ou te faafetai, faafetai lava i le Atua, o mea uma lava tatou te faia e fesili i le Atua. O le sese ma le sao, o le moni ma le faamaoni, o le Atua lava o lo o soifua. Fai mai le Atua, "ou te le tuua outou e pei o e ua matua oti, ou te i ai ia te outou i so o se mea tou te i ai". O le a le mea tou te fesili mai ai, ou te faafogafoga atu ma ou tali atu, i lau amiotonu ma le mea moni. O le mea foi lena e faafetai ai lenei itumalo, o lena e faafogafoga mai lou itumalo, o la e tapuai mai, tatalo mai leaga o le tamalii o lou itumalo. O upu foi e masani ai Samoa, e i ai lava tagata e nofo i le matuatala, a saunoa loa ua faapena ona faafogafoga i ai le mamalu o alii ma faipule o le nuu.

O le mea lea ou te faafetai atu ai i sui mamalu uma o e sa latou lagolagoina le tamalii o lenei itumalo. O lou lava talitonuga o lo o i le Atua le tali o mea uma. E leai lava ma se mea e popole ai le sui usufono lenei, o le a lava le mea tou te finagalo i ai, ave i le Atua mea uma, o Ia e tali i soo se manaoga.

Soifua ma ia manuia.

**FOFOGA FETALAI:** Faafetai. Talu ai o le manatu o le Nofoa, e pau lea o le tatou galuega e fia faamaea i le aso. E manatua foi e i ai nisi o galuega o lo o faapena ona faamuli mai i se taimi o le aoauli nei, ona tatala lea ma faapena ona auai uma le Palemene, aemaise le Palemia mo le faamoemoe, e pei ona i ai le fuafuaga i le aoauli nei. Ae ui i lea ou te tapa lau Afioga i le Palemia mo se lafo ina ia faapena ona usitaia ma faaauau ai la tatou galuega.

**02 IULAI 2019**

### **LAFO MO LE TOE FAAAUAUINA O ITULA FONO**

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga ou te tulai atu ma le ava tele e faatu le lafo, *Mo le toe faaopoopoina o le taimi o le tatou Fonotaga seja maea ona lauiliuina le mataupu o lo o talanoaina nei.*

Ma o le isi lea auala lau Afioga e faaalia ai manatu o le tatou Palota. Ou te ofo foi i le umi pea o nei mea. O le lafo lena lau Afioga.

**FOFOGA FETALAI:** Ua faaluaina mai le lafo, ia faapena ona faaauau le tatou galuega seja maea saunoaga ma faamutaina ae ua i ai foi ma le fautuaga.

*Faaluaina e le Minisita mo Tina ma Tamaitei, Atinae o Nuu ma Afioaga ma Agafesootai.*

**FOFOGA FETALAI:** Ou te tapa lau Afioga i le sui usufono mamalu mo Anoamaa Sasae. Masalo o lea o le a tofitofi, e lua lena Itu lua lea Itu, ona tatou o loa lea i le tatou Palota.

**Afioga ALAIASA MUAGUTUTIA MOEFAAUOUO MALAGAITUTOGIAI SEPULONA MOANANU:** O le a taoto ia faamaene o le tai loloto paia ma sa o le atunu. Atonu foi o lea ua uma ona paepaeulufanua le taeao ua sola. Ae ua tulai atu ma le faaaloalo ona o le manumanuga foi i le tulaga o le tatou taimi.

O upu masani lava a Samoa, a numi le fau pe lavelave foi le upega, e faapena ona talatala. E pei ona i ai le faamoemoe o le aso. A silasila ma tagai le atunu i le mea ua tupu, e pei lava o upu masani. "E a ulu tafega ae selefutia ai Vaisigano". E a latou e fai ae o lea ua faaaugagase ai le paia o le Maota, ae a le faafogofagaaga a Samoa. E a le uga e tausii ae tigaina ai le atigi. O lau lea vaavaai i lenei mataupu. E ui lava ina ogaoga e pei ona saunoa nisi, ae faafetai i le Palemia i le aumai malamalama o le mataupu, e le o natia se mea ae folasia i malae se i sasaa i ai le tofa, sasaa faaoti le utu a le faimea, aua le tofa saili a le Maota lenei. O le Maota foi lenei, e pei lava ona malie o tupu ma tamalii nei o le atunu. O lea ua aumai la latou tofa, ou te talitonu e faigofie lava le tatou mataupu.

E pau lava o lea i lau matau i aga, o le upu lea e i ai i le Faavae o le misbehavior, e pau lava lea o si upu e ogaoga lona tau i lau matau. Ioe, o lea ua faaupu e nisi o le amio paaa, le amio le pulea. E leai la se mea o le a tau nana ai le tiute o le Palestene, pau lava lea o le fautuaga ona ua amio paaa le sui, e pei o aga a le Faavae o lo o i ai. Se i vagana la ua finagalo le Maota e sui le Faavae ona ou talitonu lea e mafai ona faaumiumi le tatou talanoaga i lenei mataupu. Ae o lea ua aumai manino, e gaualofa tatou i so o se tamalii o le atunu. E tele le gaualofa, silisili le aoga.....e pau lava lea o le upu, nei matau mai le atunu. O fea o i ai le tofa, fea o i ai le faautaga.

**02 IULAI 2019**

**Iloiloga o le Lipoti a le Komiti Suesue Faapitoa a le Palestene ma Pepa o le Saunoaga Faa-Minisita a le Afioga i le Palestene o le Aso 28 Me 2019**

O lau fautuaga, e pei ona fai atu e le umi se faamatalaga, tatou vaavaai toe iloilo upu ia o le Faavae. Ona aumai lea o le mataupu toe soalaupule e le Maota. Faafetai i le Komiti i le latou galuega, ae leaga ua i ai upu ia ua aumai i le lipoti ma fautuaga a le JSC, e sau ai lava le upu lea. Ua tatou talitonu e le oge tagata foi le atunu, e le oge tagata le Atua. Ao upu ia a le Atua i mea nei o Faigamalo. "Saili muamua le Malo o le Atua ae pipii mai ai ma lana amiontu". O le mea sili lea ona taua tatou te o e saili, o le amiontu. O Iesu fai mai e a, e aumai ai le alofa tunoa ma le mea moni. E eseese lava mea ia, o i ina la e tatau ona tatou galulue i ai ia atagia mai le mea moni ma le faamaoni, i faaiuga tatou te faia.

Lau Afioga i le Fofoga Fatalai, o le matou lea tuualalo, tolopa le mataupu toe lotea le Faavae ona toe aumai lea o lenei mataupu e toe iloilo totoa, aua le agai i luma o le tatou galuega. Ma le agaga faaaloalo manuia la tatou Fonotaga.

**FOFOGA FETALAI:** Faafetai saunoa. Ou te tapa lau Afioga i le Sui Palestene.

**Afioga Hon FIAME NAOMI MATAAFA:** Faafetai lava i lau Afioga i le Fofoga Fatalai mo le avanoa. Ma ua matau atu i le lafo mo le faaaauauina o le tatou galuega e pei e foliga mai e faamuta la tatou mataupu lenei, masalo e fuafua i le isi tuatuagia o le Malo pe a ta le 2:00. Ina te i ua le toe maua se avanoa, ae taua lenei mataupu sa faapea foi se i saausi lelei faaaliga o finagalo ma taofi, e tautulituli atu ai se taimi. Ae ona ua faatu le lafo i le Afioga i le Palestene, e lelei ia le fai atu o sa matou tala, te i ua le maua se avanoa. Ona fesili lea o le itumalo, po o fea le mea na i ai le sui usufono mo Lotofaga.

E matauina i le talanoaina o le mataupu o lea ua tatala le avanoa faaali ai finagalo o le sui usufono ia. Ua le saisaitia i faiga faa-Falemene i itu Faaupufai. Ae ui i lea, lau Afioga i le Fofoga Fatalai, e le mafai lava ona aveesea ai, o le lafo o lo o i luma o le Palestene, o le lafo a le Malo. Ao ai le Malo? O lea, faasolo atu faapea, le Kabeneta, Minisita lagolago po o le pulega foi. O le itu foi lea a le Malo, o lo o i ai le vaega o lo o faatinoina le galuega, lea e i ai le Ofisa o le Loia sili ma Leoleo.

Lau Afioga i le Fofoga Fatalai, o le autu o sou manatu, o le pulega faa-le-tulafono. Na o le pau lava lena o le mea o lea ua tatou nonofo ai i i. Saini o outou

tuaa ma o tatou matua e faavae le Malo o Samoa i luga o Tulafono. E le faia i se finagalo o se tasi, po o se vaega po o ai lava. E fuafua mea uma i luga o le Tulafono. O le isi autu lau Afioga o le manatu, ou te lagolagoina le mau a le Malo. O le a le mau a le Malo? Ia faamuta le tofiga o le Peresetene o le Faamasinoga o Fanua ma Suafa. Ma i le faatu atu o le lafo, o le mafuaaga ona o faaiuga ua uma ona fai e le Tulafono. E tautala i le ava ma le migao e tatau ai, o le lafo lea ua faatulaga i le taeao lenei, e fai i ai la tatou filifiliga. O le lafo ua fai i luga o aiaiga o le Tulafono Faavae. O le a le vaega lea? O le 68(5) e le mafai ona aveesea se Faamasino o le Faamasinoga maualuga po o le Peresetene o Fanua ma Suafa vagana ua fai i ai le finagalo o le Maota lenei.

**02 IULAI 2019**

### **Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palestina o le Aso 28 Me 2019**

O lea la ua aumai le lafo a le Malo, ma i le faaupuga o le lafo a le Malo e ta'u atu ai foi i ina le feau, o le mea lena o lea e tu ai le Malo, e faamuta. Ma o au o le sui o le Kapaneta e le mafai ona ou alu ese ai ma le faaupuga o le lafo lea e faamuta.

Lau Afioga i le Fofoga Fetalai, a outou afioga i sui mamalu o le Palestina, o lona uiga ou te matua teena. Ou te matua teena le Lipoti a le Komiti, e le gata e tulaga ese ma le lafo ua faatu atu e le Malo, ae e i ai ona mafuaaga. Ma o mafuaaga nei lau Afioga ou te teena ai le lipoti a le Komiti lenei. Ou te teena le mau o lo o aumai e faapea o le soligatulafono a le Peresetene, e le i faia i totonu o lana galuega faa-faamasino. O le fesili lau Afioga i le Fofoga Fetalai, a na ta le ulu o le Leoleo po ae oti, e loto lava i ai le Maota lenei e faaauau? Aua o le mea moni, o le tauave o le mataupu lea, e i ai ona ooooga, pe ua faapea atu le Maota lenei, e taga, e taga i Faamasino, fasioti tagata, toso teine, gaoi. O a uma isi mea, ona e a? Ona e le i faia lana soligatulafono i totonu o le faatinoga o ana galuega. Ae le o le fesili lena, o lea sa talanoaina e le Faamasinoga toe talosaga. Ioe, o la e fai mai e le i faia sana soligatulafono faalegaluega, a o le afaina o le vaaiga o le mamalu o le tofi i le gaoioiga ma le soligatulafono lea. O le mea lena na fai i ai le faaiuga a le Faamasinoga toe talosaga. O le mea muamua lea, lau Afioga i le Fofoga Fetalai.

O le mea lona lua, ou te ofo i lou taofi faa-sui usufono, lau Afioga i le Fofoga Fetalai, i le aumai e se Komiti o le Palestina se faaiuga a se faamasinoga maualalo atu, e finau ai lana mataupu, a o lea ua taatia le faaiuga o le taunuuga o Faamasinoga, o le Faamasinoga Toe Iloilo. A fai loa le faaiuga a le Faamasinoga Toe Iloilo, ua faaleaogaina, faaleaogaina uma isi faamasinoga ua fai. O le a le faaiuga? Faamaonia le soligatulafono.

**Tofa Lealailepule Rimoni Aiafi:** Lau Afioga i le Fofoga Fetalai...

**Afioga Hon FIAME NAOMI MATAAFA:** A o le oto mai e se Komiti o faipule o Komiti Faitulafono se mea faapea e sili atu i lo latou finagalo le faaiuga a le Faamasinoga Maualalo, a o lea ua taatia le faamasinoga maualuga ua tatou faatupuina se mea maoae.

**FOFOGA FETALAI:** Malie lau Afioga i le Minisita....

**Tofa Lealailepule Rimoni Aiafi:** Lau Afioga i le Fofoga Fetalai, o se mea e fia faasao faamolemole lau Afioga e tusa ai ma le saunoaga.

**Afioga Hon FIAME NAOMI MATAAFA:** O e faatagaina lau Afioga?

**FOFOGA FETALAI:** Ia, ona o la e ua tapa mai lou suafa ona ou faapea lea atonu...

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

**Afioga Hon FIAME NAOMI MATAAFA:** E leai e mea o sese i lau faamatatalaga lea e fai.

**Tofa Lealailepule Rimoni Aiafi:** O le mea fia faasao lau Afioga i le saunoaga ona o lea e manino mai i le saunoaga ua aumai le faaiuga a le Faamsinoga Maualalo. Lau Afioga, o lena e manino mai i ina ma le faaiuga a le Faamsinoga Maualuga Toe Iloilo o lena e aumai faatasi mea e lua, e le o tuua le Faamsinoga Maualuga ae aumai na o le Maualalo. O lena e aumai faatasi mea e lua. Ma lou faaaloalo lava. Leaga o la e faafogfa mai le atunu, o lea e i i tatou Lipoti. Faafetai.

**FOFOGA FETALAI:** Malie le sui usufono, o lea ua manino lou finagalo sa e taumafai mai. Se i tulai mai le Afioga i le Minisita.

**Tofa Nafoitoa Talaimanu Keti:** Lau Afioga i le Fofoga Fetalai, pe maua se avanoa o lenei Komiti.

**Afioga Hon FIAME NAOMI MATAAFA:** E faaaauau atu pea lau mau lau Afioga i le Fofoga Fetalai, o le saunoa mai o nisi o sui usufono o le Maota lenei i le tatou va ma le Faamsinoga i le agai i luma, ou te fai atu lau Afioga i le Fofoga Fetalai, a mafai ona faamauina i totonu o faamaumauga o le Palemene lenei e sili atu i le Palemene lenei se faaiuga a se Faamsinoga Maualalo i lo le Faamsinoga Maualuga, o le a le filemu lea tatou te talanoa i ai? O le a le saogalemu lea tatou te talanoa i ai? E leai se mea faapena e maua.

Lau Afioga i le Fofoga Fetalai, o le isi vaega ou te teena ai le Lipoti a le Komiti lenei...

**FOFOGA FETALAI:** Ou te faamalulu atu i lau Afioga i le Sui Palemia ona o lo o tulai mai le Taitaifono o le Komiti, ae fai foi si a latou eseesege o finagalo e pei ona faaalia. Se i faamalamalama mai le saunoaga.

**Tofa Nafoitoa Talaimanu Keti:** Ua taliga e fialogo le tala e fai i le mauga i Salafai i le saunoaga a lau Afioga i le Sao Faapito, lau Afioga i le Sui Palemia, o le sui usufono foi o le itumalo o Lotofaga. E i ai le manatu e le fia faalavelave, peitai o le taua o le Komiti ma lana faaiuga ma lana fautuaga, lau Afioga i le Fofoga Fetalai, ua ou tulai atu ma le faaaloalo tele e tatau ai ou te fia faamanino ai le tulaga lea. O le faaiuga o le fautuaga a le Komiti lenei, o lo o faavae lava ma sosolo i luga o le iuga ma le faaiuga a le Faamasinoga o Talosaga Toe Iloilo, la e lava e talanoa i le tulaga o le 68(5), e faapea foi la i le Tulafono o Fanua ma Suafa 1981 Vaega 26(d). O le tulaga i le faamasinoga, e le o i ina lea e agai i ai.

**02 IULAI 2019**

**Iloiloga o le Lipoti a le Komiti Suesue Faapitoa a le Palestine ma Pepa o le Saunoaga Faa-Minisita a le Afioga i le Palestina o le Aso 28 Me 2019**

A silasila totoa lava i le mafuaaga na mafua ai ona taunuu lenei Komiti i lana fautuaga i le Maota lenei, o lena e manino ai le mata o le vai. Na ona ou toe tulai atu faapena, e le fia faalavelave i le saunoaga matagofie.

**FOFOGA FETALAI:** Malo. O lena ua manino le tulaga lea. Se i toe tulai mai lau Afioga i le Sui Palestina.

**Afioga Hon FIAME NAOMI MATAAFA:** Faafetai lava i lau Afioga. Sa le faalavelave foi i le saunoaga umi a le Taitaifono o le Komiti. Semanu a na maua foi lea avanoa mo i matou, ae peitai, na o le 15 minute. Lau Afioga, o lea e i ai i totonu o le Lipoti lena le feau lea o le faagasologa o faaiuga a le Faamasinoga.

Ou te fia tautala i le Vaega 15 o le Faavae, aia tutusa a tagata i luma o le Tulafono. O lea e faapea mai le Lipoti, e leai lava se afaina o i ai, e le o saisaitia se isi, po ua ave i ai se faiga faapitoa. Lau Afioga i le Fofoga Fetalai, faapefea ona tatou faapea ua tatou le faia se faiga faapitoa mo le Peresetene o le Faamasinoga o Fanua ma Suafa? O lea ua outou faafogaga i saunoaga i totonu o le Maota lenei, ia tatou alolofa, o le tagata sa tautua i le Malo, o i inei i le Fono Faitulafono, toe tuu atu e faigaluega i o e fesoasoani i ai. O le a la le faauigaina o le mea lea? Ona o le tagata ua tautua i le Fono lenei lea tatou te i ai uma o tatou o faipule, ua tatou ona tatou lagolago i ai ma ave i ai le avanoa e tulaga ese mai ai mai isi tagata lea foi e o latou e saili mai le amiontonu i le Faamasinoga?

O le mea la lena lau Afioga i le Fofoga Fetalai, o le Vaega 15 o le Faavae, ua soli e le Maota lenei o faipule. Ona o le a? Ua tatou aumaia isi mea e faasino i le tagata lea e tulaga ese mai ai ua le mafai ai ona faataunuu taunuuga e masani ona tupu i e ua faasala i soligatulafono faapenei. E tau le faasalaga i le tupe, a o le moliaga lau Afioga i le Fofoga Fetalai, o le faaooolima ogaga. O le tali foi la a le Maota lenei i le solitulafono lea, ona o le tagata sa tautua i inei i le Maota lenei, e le afaina lona taina o le ulu o le isi tagata. Ma a tilotilo atu foi i faaupuga ia e i ai, a ua ta foi, ua tatau ona ta. O le a la le tuufaafeagai o le Tulafono i tagata ua falepuipui, fitu tausaga ua tuu i le soligatulafono lea? Fitu tausaga i le falepuipui, ae fai mai e a le Palestina o Samoa, a ta lava e le Peresetene le ulu o le leoleo po,

e tagata. Aisea? Ona e pule. Aisea? Ona o le matai. Aisea? Ona e maualuga atu lona tulaga i lo le tagata lea na faaooolima i ai. Le feau lena o lea e ave i le faaiuga a le tatou Maota pe a tatou mulimilitai i le Lipoti a le Komiti lea.

**FOFOGA FETALAI:** Ou te fesoasoani atu i le saunoaga a lau Afioga, ona o le saunoaga lea o saunoaga a sui usufono i o latou lava finagalo, ae le o se faaiuga a le Palemene ua faapea ua ioe, o lea e le i maua se tatou faaiuga. A o saunoaga a sui usufono, o lea e faapulusalalau lava, ae faatoa iloa le amiontonu pe a tatou see atu i le tatou palota, ae aua le avea le se ma mea mamafa. E fai silasila foi i te i ua lavea se isi i ou aao o lena e fai ma alu ou aao.

## 02 IULAI 2019

### Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019

**Afioga Hon FIAME NAOMI MATAAFA:** Ua a, ua maea le saunoaga i lau Afioga?

**FOFOGA FETALAI:** Saunoa ia ma malele.

**Afioga Hon FIAME NAOMI MATAAFA:** Lau Afioga i le Fofoga Fetalai, e i ai foi le tulaga i le tatou vasega o faipule, a faamaonia o tatou soligatulafono i se sala e mafai ona falepuipui ai i le fa tausaga ma sili atu, o i ina lava e aveese ai loa lou tofi, e le toe agavaa ai loa sui usufono o le Maota o Samoa. O le faasalaga lea, e fitu tausaga, faaooolima ogaoga, ae fai mai e a le Palemene o Samoa? Tatou alolofa i ai, tatou alolofa i ai ona o le tama sa faigaluega i inei. Ua tatou avatu ia Fepuleai le isi advantage, we are conveying to Fepuleai an advantage e le o maua e isi tagata. E sao lea mea?

**FOFOGA FETALAI:** Malie lau Afioga i le Minisita...

**Tofa Lealailepule Rimoni Aiafi:** Lau Afioga i le Fofoga Fetalai, o lea e pei e foliga mai ua taaofai e le saunoaga lea sui usufono mamalu uma o le Palemene e faapea o ni matou faamatalaga e toe faaaauau Fepuleai ona sa faigaluega i inei. E leai a ma se isi o matou na lauga i lea upu. Ou te le i lauga ai foi lau Afioga. A o lea e pei e foliga mai ua tatou faaaauau ia Fepuleai ona sa faigaluega i inei. E ese lava le mea lea na avatu ai lou manatu ma finagalo o sui usufono. Ma lou faaaloalo lava. Leaga o lea e pei e tau pea tau pea pei tatou te faaaauau ia Fepuleai, ona sa faigaluega i inei. E leai se manatu faapena na avatu i le tele o sui usufono ma saunoaga sa fai. Ma lou faaaloalo lava.

**FOFOGA FETALAI:** Malo faafetai. Ia se i tulai mai le Afioga i le Sui Palemia.

**Afioga Hon FIAME NAOMI MATAAFA:** Lau Afioga, se i aumai pea faamaumauga o saunoaga a le Maota, ona tatou maua ai lea, o lea e i ai le mau

lena, ma e le o se mea e natia, o lea e silafia uma e Samoa o Fepuleai na faigaluega i inei. Ioe. A o le mea lea i le Vaega 15, ou te fai atu ma le faaaloalo i lau Afioga ma le Maota, ua le tutusa le tatou faiga lea ua fai i le tofi lea ma isi tagata i totonu o le tatou atunuu.

O le mea mulimuli lau Afioga ona ou te iloa e puupuu le taimi e i ai foi isi o lo o fia saunoa, ou te le iloa i le Komiti po o latou silafia na fai le affidavit po o se tusitusiga faamauina faale-Tulafono e le Afioga ia Fepuleai i le taimi a o lo o faagasolo le Faamasinoga o Toe Iloiloga. Ma o lo o faapea mai lena tusitusiga faatautoina, a faamaonia lana soligatulafono, e faamavae.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

O le fesili la lau Afioga i le Taitaifono o le Komiti, sa outou silafia lena mea? A o le a foi le taunuuga faaletulafono o le tagata e fai sana tusitusiga faamauina faaletulafono, faatautoina? O le a le iuga o le tagata e fai le mea lena ae toe solomuli mai ai? Lau Afioga, o le mea lena e tau o le tauto pepelo (prejudice).

**FOFOGA FETALAI:** Malie lau Afioga i le Sui Palemia ona o lea ua tapa le finagalo ma le Lipoti a le Taitaifono ma le Komiti. Se i tulai mai lau Afioga e faamamaina foi le Komiti e tusa ai ma le saunoaga.

**Tofa Nafoitoa Talaimanu Keti:** Faafetai tele i lau Afioga i le Nofoa i se avanoa ua toe tuuina mai i le Komiti e fai ai le leo faatauvaa e fai ai se tala a le Komiti e tusa o le faafesili a le sui usufono mamalu. Mo le silafia e lau Afioga ma le mamalu o le Maota, e faapea foi le faafogafoga mai a Samoa, e le i maua e le Komiti. Sa fesiligia i molimau sa afifio mai. Na pau le faamatalaga na oo mai , o le saunoaga lea i le taimi o le Faamasinoga, a o le tulaga i se affidavit, o le agaga lea ma le faaaloalo matou te tulai atu ai i le tulaga lea, o le saunoaga lava i le taimi o le Faamasinoga.

**Afioga Hon FIAME NAOMI MATAAFA:** Lau Afioga ou te manatu o le a faaiu atu se matou tautalaga ina ia maua ai le avanoa mo sui usufono.

**FOFOGA FETALAI:** Malo faafetai. Ia malie sui usufono mamalu e a pe a... pei o lea o le a faamaea mai le saunoaga a le Sui Palemia.

**Tofa Hon Lauofo Fonotoe Nuafesili Pierre Lauofo:** Lau Afioga i le Fofoga Fetalai na ona ou fia fesoasoani atu lava i le mataupu lea faamolemole. Leai sa ou manatu ai e avanoa sina faauilavea, ae afai o lou finagalo lea, ona o lea e aumai i le faaiuga a le Faamasinoga le mea tonu lea e saunoa i ai le Afioga i le Sui Palemia. Lea e tusitusi mai e le Faamasino i i le Fuaiupu 84 o lana faaiuga. Se i silasila ifo i ai le Komiti faamolemole lena e tau mai ai le affidavit ma le mea lea e saunoa i ai le Sui Palemia.

**FOFOGA FETALAI:** Ia, o lea ua manino auofala i lea vaega. Faafetai lava fesoasoani mai. Ae se i tulai mai le Sui Palemia e saunoa e faaiu mai lana saunoaga.

**Afioga Hon FIAME NAOMI MATAAFA:** Lau Afioga e faaiu atu ai se manatu e faapea, ou te toe foi i le lafo a le Malo, ou te toe foi i le manatu autu o lau tautalaga o le pulea faa-le-tulafono. O le pulea o tatou faa-le-tulafono ua i ai o tatou taiala. E le faapea a ua oo mai i le Palemene ona tatala lea e pule tatou po o le a le mea e fai. O tatou o tagata faitulafono, e tatou te nonofo i lalo o le pule a le Tulafono ma e tatau ona tatou faaaloalogia le Tulafono.

**02 IULAI 2019**

#### **Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

Lau Afioga e faaiu atu ai, ou te lagolagoina le lafo a le Malo ina ia faamuta le tofiga o le Peresetene o le Faamsinoga o Fanua ma Suafa, ma ou te matua teena le Lipoti a le Komiti, ma e tatau ona toe faafoi lenei Lipoti, aua ne i toe i ai i totonu o faamaumauga a le Palemene, e tauvalea ai le tatou Palemene.

**FOFOGA FETALAI:** Ia malo saunoa, masalo o lea ua maea sui usufono, se i tuu atu le... masalo o lea ua maea le itu lea, tuu atu i le Minisita. Tulai mai lau Afioga Papalii.

**Susuga Hon PAPALIITELE NIKO LEE HANG (Nuu Tu Taulaga i Sasae):** Faafetai lava i lau Afioga mo le avanoa. E puupuu foi se taofi ona o le manumanuga i le taimi. Ae e taua lenei avanoa ona o le taua o le mataupu lea i lumamea nei. Sa ou faapea lava au o le tulaga o lenei mataupu na ona aumai e pasia e le Palemene pe teena foi le lafo a le Komiti sa iloiloina ma suesueina ia le mataupu, ae paga lea ua faatu le lafo o le Malo, ina ia faamalolo le Afioga i le Peresetene.

Lau Afioga e faavae se taofi i mau e tolu na tuuina mai i le lipoti, o le fautuaga lea a le Loia Sili, ma le vaega lea o le Faamsinoga (Judicial Service Committee), ma le faaiuga o le Faamsinoga o le Appeals Court. Ona o le tele o mataupu sa fia talanoa atu i ai ua uma ona saunoa i ai le Afioga i le Sui Palemia ma o le auga foi lena o se manatu. O le popolega lava o le vaavaai mai o le mamalu o le atunu, ma atunu i fafo i iuga o faamsinoga ia ua fai, ae toe aumai i totonu o le Palemene pei ua ese ia se faatalanoaina. Ae ona o le ogaoga o le soligatulafono, lea sa molia i se faaoolima i se tulaga matuia... ae o le isi au fesili lau Afioga i le Fofoga o le Fono, o si ou lava vaivaiga, ou te talitonu e feteenai le iuga ma le fautuaga lea a le Komisi, ma le vaega lea e 68 (5) o le Faavae. O la e manino lava le vaega o le Faavae lea, e tuuina mai pea se faaiuga e fai e le 2/3 o le Palemene. Ae o lea e taua ai mea ia e lua, a molia ma faamaonia e se tuuaiga faaoolima matuia, pei ua le atoatoa foi le malosi, o i ina la ua faaaoga ai le Faavae lea, e faauma loa le auauanaga.

Ae ona o le taua ia o galuega sa faatino e le Afioga i le Peresetene i le lipoti a le Komiti ma e ou te faatauaina foi le tulaga lea. Ma le isi lau Afioga, ou te talitonu o faasalaga lea ua tuuina atu faasala tupe, ona ua uma, ua iloiloina e le Faamasinoga Appeals (mitigating factors) ua admit lava le Afioga ia Fepuleai o lana solitulafono. Uma foi ona fai le reconciliation, ma le sui lea na aafia i le faaolima a le Afioga a Fepuleai. Ma o i ina la ou te talitonu, o mitigating factors ia, ua mama ai le faasalaga ua faasala tupe. Ao faasalaga o nei soligatulafono, e 7 tausaga i le falepuipui. Ou te talitonu o le avanoa lea na toe iloilo ai e le faamasino o le Faamasinoga o le Apili, ina ia faamama ai se faasalaga ao o le mau a lou nei tagata, ona o lea ua convict.

**02 IULAI 2019**

**Iloiloga o le Lipoti a le Komiti Suesue Faapitoa a le Palemene ma Pepa o le Saunoaga Faa-Minisita a le Afioga i le Palemia o le Aso 28 Me 2019**

O le fautuaga foi lea na tuuina mai e le o se Tulafono, e le o se conviction ae faafefea le faatinoina o lana galuega masani, ao lou talitonuga, a molia se tagata i le Tulafono, ua convict especially o le criminal offense. Ae o lea o le a toe talanoa e tatou, e sao ou te lagolagoina foi finagalo faapea ua faamagalo le pagota ma ua... o tatou uma lava e maua le tulaga lea o le alofa, ae o le faatinoga o le amiotonu o le tulaga lena e faigata ia te au ona ou talia le fautuaga lea e faaauau.

With all due respect i le Afioga ia Fepuleai, ona e mafana foi le maua mafutaga, ia ae le fai ai ia le tulaga o Faamasinoga. A le approaching ina la e le Palemene le faaiuga o faamasinoga, aemaise Faamasinoga Maualuga, ia o fea o le a agai i ai le tatou... Ia o mafauauga na ou te teena ai le lipoti a le Komiti, ae ou te talia ia le lafo a le Malo. Ia ma lou faaaloalo lava.

**FOFOGA FETALAI:** Ia malo faafetai, ia ma o lea ua taoto ia le lipoti a le Komiti Suesue Faapitoa a le Palemene i le laulauafono. Ma o lo o tuuina mai ai ana fautuaga ma faamaoniga i le Fono Aoao. Ia o le a amuli se taimi ona faapena lea ona tuuina atu i ai se fesili ma faamaoniga o le lipoti ia ae o lea ua maea ona soalaupule ma tagofia e le paia o le Palemene i ona tulaga uma e pei ona tuuina mai ai ia le latou fautuaga.

E tusa ai ma aiaiga o le mataupu e 68 (5) o le Faavae o le Malo Tutoatasi o Samoa, o le a le aveeseina se Faamasino o le Faamasinoga Sili mai le Tofi vagana ua faia e le Ao o le Malo i luga o le talosaga a le Fono Aoao Faitulafono ua faamaonia e nisi e le itiiti ifo i le 2/3 o le aofaiga o sui usufono o le Palemene e aofia ai ma tulaga avanoa o lo o talosagaina mai ai lona aveeseina mai le tofi i mafuaaga i amioga e le tusa ai ua faatuina mai ai po o le vaivai o le tino po o le mafaufau foi.

Ia e ao foi ona faamanino le vaega lenei o le aiaiga o le 2/3 o le aofai o sui usufono o le Palemene e aofia ai sui usufono o lo o toesea mai Taualumaga o le Fono Aoao i le taimi nei e faatino ai lana Palota Tauvalaau. O lona uiga, o le 2/3 o le aofai o sui usufono o le Palemene lona XVI lenei o le Palemene o Samoa e 33 le aofaiga o sui usufono e moomia e faamaonia ai pe teena ai se lafo.

Ia o le mea lea ou te faatonuina ai le Failautusi o le Fono Aoao mo le taina o le logo mo le faailo masani o le Palota Tauvalaau mo sui usufono ao le i tuuina atu ia le tatou fesili e faaiu ai lenei mataupu.

**Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fatalai...

**FOFOGA FETALAI:** Se i tulai mai le Afioga i le Palemia.

## *02 IULAI 2019*

**Iloiloga o le Lipoti a le Komiti Suesue Faapitoa a le Palestene ma Pepa o le Saunoaga Faa-Minisita a le Afioga i le Palestene o le Aso 28 Me 2019**

**Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi:** Ae e le i aumaia le fesili ina ia manino, a 2/3 i le aofaiga e 50, o lona uiga e 33 ma le fasi sui usufono e toatasi. Ou te leiloa pe i ai se fasi sui usufono i i. Ae e tatau ona tatou round off i le 34 ia ona faatoa atoa lea. E na o sina fesoasoani atu leaga e leai se fasi sui usufono o i ai nei.

**FOFOGA FETALAI:** Malo, faafetai, ia ona o lau Afioga o le Taitai o le Maota, e i ai lou manatu ua e faamanatuina le tulaga lea, ina ia faapena ona mautu ai faaiuga o le tatou... Lau Susuga i le Failautusi e 34, autu loa e pei ona saunoa mai le Taitai o le Maota.

Ia o le tatou fesili e lelei ona faautagia mai, faautagia mai i le tuuina atu o le fesili, ina ia see le sa o le Afioga i le sui usufono ia faapena ona manino ia le itu o lo o faapena ona ave i ai ia lou finagalo.

**FESILI:** **O sui usufono uma e lagolagoina le Lafo a le Afioga i le Palestene, ina ia faamalolo le Peresetene o Fanua ma Suafa ona o tulaga o amioga le talafeagai ma Faiga Faavae o moliaga ua faamaonia, faamolemole se i tutulai mai.**

## PALOTA TAUVALAAU

1. Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi.
2. Afioga Hon Fiame Naomi Mataafa.
3. Afioga Hon Tuitama Talalelei Tuitama.
4. Afioga Hon Sala Fata Pinati.
5. Susuga Hon Papaliitele Niko Lee Hang.
6. Tofa Hon Faimalotoa Kika Iemaima Stowers.

7. Afioga Hon Sili Epa Tuioti.
8. Afioga Hon Loau Sola Keneti Sio.
9. Afioga Hon Afamasaga Lepuiai Rico Tupai.
10. Afioga Hon Laauli Polataivao Leuatea.
11. Afioga Afoa Amituanai Faleulu Mauli.
12. Afioga Toomata Aki Tuipea.
13. Tofa Hon Lauofo Fonotoe Nuafesili Pierre Lauofo.
14. Afioga Taefu Lemi.
15. Afioga Amituanai Fagaivalu Kenrick Samu.
16. Susuga Seiuli Ueligitone Seiuli.
17. Tofa Hon Faasootauloa Pati Taulapapa.
18. Afioga Tofa Foleni Tama Galu.

**02 IULAI 2019**

**Iloiloga o le Lipoti a le Komiti Suesue Faapitoa a le Palestene ma Pepa o le Saunoaga Faa-Minisita a le Afioga i le Palestene o le Aso 28 Me 2019**

19. Tofa Lenatai Victor Faafoi Tamapua.
20. Afioga Faalogo Iosefa Sopi.
21. Afioga Faumuina Asi Pauli Wayne Fong.

O sui usufono na lagolagoina le Lafo a le Malo – 21.

**FESILI: O sui usufono uma e teena le Lafo ae ia toe faaauau le tofiga o le Peresetene o Fanua ma Suafa se i tutulai mai.**

1. Afioga Hon Faaolesa Katopau Ainuu.
2. Afioga Hon Tialavea Fea Leniu Tionisio Hunt
3. Afioga Tapulesatele Mauteni Tamasoni Metuli II Esera.
4. Afioga Hon Gatoloaifaana Amataga Alesana Gidlow.
5. Afioga Tafua Maluelue Tafua.
6. Afioga Hon Faumuina Tiatia Faaolatane Liuga.
7. Afioga Hon Aeau Peniamina Leavaiseeta.
8. Afioga Tuifaasisina Misa Lisati Leleisiuao Palestene.
9. Afioga Salausa John Ah Ching.
10. Susuga Mulipola Leiataua Laki.
11. Tofa Sooalo Umi Feo Mene.
12. Tofa Lealailepule Rimoni Aiafi.
13. Afioga Sulamanaia Fetaiai Tauiliili Tuivasa.
14. Afioga Fuimaono Teo Samuelu Teo.
15. Afioga Leaana Ronnie Posini.
16. Tofa Aumua Isaia Lameko.
17. Afioga Toleafoa Ken Vaafusuaga Poutoa.
18. Tofa Nafotoa Talaimanu Keti.

**O sui usufono na teena le Lafo a le Malo - 18**

**FOFOGA FETALAI:** Malo faafetai. O le iuga lenei o le Palota Tauvalaau, o le aofai o sui usufono na lagolagoina le lafo a le Malo, ina ia faamalolo le Peresetene o Fanua ma Suafa ona o tulaga o amioga le talafeagai ma faiga faavae i moliaga ua faamaonia e 21.

O le aofai o sui usufono na teena le lafo, a ia toe faaaauau le tofiga o le Peresetene o Fanua ma Suafa, e 18.

E talu ai ona ua ausia le 2/3 o le aofaiga o sui usufono e mafai ai ona aveesea le tofiga o le faamasino e tusa ai ma aiaiga o le mataupu 68(5) o le Faavae o le Malo Tutoatasi o Samoa. Ou te faasilasila aloaia atu ai i lenei Palemene ua aveesea nei le tofiga o le Peresetene o le Faamasinoga o Fanua ma Suafa, e pei ona....

**02 IULAI 2019**

### **Lafo mo le Tolopoina**

**Afioga Tafua Maluelue Tafua (Aleipata Itupa i Lalo):** Lau Afioga i le Fofoga Fetalai, o le mea e fia faasao. E le i ausia...

**FOFOGA FETALAI:** Ou te muai faamalulu atu ona talu ai, ua tele pepa ua tuuina mai e le Failautusi, ua le iloga se pepa... O uiga lava ia o le soifuaga o le sese, e pei lava o le upu a Iesu i le fafine e togi se maa pe a i ai se isi e leai se sese.

O le faaiuga la lea, talu ai e le i ausia le 2/3 o le aofaiga o sui usufono e mafai ai ona aveesea le tofiga o le Peresetene o le Faamasinoga o Fanua ma Suafa e tusa ai ma aiaiga o le mataupu 68(5) o le Malo Tutoatasi o Samoa, ou te faasilasila aloaia atu i lenei Palemene, ua toe faaaauau nei le tofiga o le Peresetene o le Faamasinoga o Fanua ma Suafa e pei ona umia e Fepuleai Letufuga Atilla M.Ropati. O le faaiuga lena, ua toe faaaauau le galuega ma le tofiga o le Peresetene o Faamasinoga o Fanua ma Suafa.

Ou te faamalulu atu i le Palemene ua potopoto, aemaise le faafogfa mai a Samoa i le faaletonu o le matou faamatalaga e pei ona tuuina atu muamua. A o lea ua matou avatuina le faasaoga e pei ona i ai le faaiuga o le Faiga Palota e tusa ai o le galuega e le faigofie, sa alofaiva i ai le Palemene e ala i saunoaga ma felafolafoaiga, e faapea foi le alo atu i lana Palota Tauvalaau.

Ma lou faaaloalo ou te tapa lau Afioga i le Palemene mo sau saunoaga.

### **LAFO MO LE TOLOPOINA**

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, faamalo atu i le Maota nei, e le faigofie le faaiuga ua taunu i ai le Maota. A o le faaaliga lea o le finagalo fulisia o le Palemene, o le temokarasi lena. O lea o lo o faavae ai le tatou Malo. Ua uia foi le ala o mea, i le tulaga o aiaiga o le Faavae. O le a lava la le iuga ua tatou taunu i ai, o le iuga na mulimulitaia ai le Faavae. E na o le Atua na te faamasino, ou te manatua i le taimi lenei ia le onoselau ma le tolu afe, le aofia o

tagata Israaelu na aveese mai e Mose. O lona uso o Arona o le uluai ositaulaga na tofia e le Atua. I lena onoselau ma le tolu afe, na o le toalua tagata na taunu i le nuu paia. E na o le toalua lava, o Iosua le isi, na o le toalua lava na tu laueelele ae faataamilomilo lava e le Atua i le toafa i le fasefulu tausaga. Ae faapefea Mose o le taitai na filifilia? Na faapefea lona uso o Arona o le ositaulaga? O laua ia na faalagolago i ai le nuu, taitaina o le amiontonu. Ae na ona faatonu lava e le Atua ia Mose e ta le papa, ae puna ae le masalosalo, sala ma Mose, sala ma Arona faapena mea o iuga faigata, e faia e le Atua, o iuga o le amiontonu e le faigofie.

**02 IULAI 2019**

### **Lafo mo le Tolopoina**

O le isi lenei iuga e tumati'a i faamaumauga a le Palemene o Samoa. O lea lava ua alofaiva le Maota lenei, e faatino le faautautaga tatau a le sui usufono. E tele mea tatou te eseese ai, e pei lava ona faafogafoga i le avatu o le lafo a le Malo. E le i faatafa lava le Malo i le avatuga o le lafo, i le talitonuga foi o le mea e tatau ona fai.

A o lea ua fai le faaiuga a le Palemene, lau Afioga i le Fofoga Fetalai, o le faaiuga lena. O le faaiuga lena e aloaia leaga ua fai i ai le faaiuga a taitai o le atunuu lenei. O le a lava le tulaga, ao le faaiuga lena e tumau e faavavau.

Lau Afioga i le Fofoga Fetalai, ou te faafetai i lau Afioga i lou taumafai mai e faatonutonu le faagasologa e le faigofie. Ua uma foi ona fai tiute, faatino tiute o i latou o sui usufono mo itumalo, o le latou lea talitonuga ma le latou faamasinoga. E tele isi teuteuga e ono tulai mai, ua avea le mataupu lenei, ua oo ai foi mafauauga i le tulaga e tatau ai ona toe teuteu le Faavae, aemaise lava le faaiuga lea ua tatou taunu i ai, ona e le o manino ai i ina le Faavae. E na o le pau lava le mea lea e aumai e le Faavae, momotu le tautua uma. Ae a momotu, ae afai la e le taunu le faamoemoe ua pau le lafo, o le a le isi mea e sosoo ai? O le isi mea e sosoo ai, o le toe faaaauau. O le tulaga lena, o le itu tonu lena o lea e gugu ai le Faavae o le Malo. A o upu a le atunuu lenei, "e aoga mea tutupu e maua ai mafauauga lelei", mo le taitaina o le tatou Malo i le agai atu i le lumanai.

O le faafetai, o le faafetai ia outou Afioga ua faaaaogagase ona o lenei iuga o se iuga e mamafatua i tatou uma. A o le faamasinoga lava a le amiontonu a le tagata lava ia, lea ua taunu ai le Maota i lana faaiuga i le aso. Lau Afioga i le Fofoga Fetalai, o le faafetai lea, o le tatalo ia fesoasoani mai le Atua i le Maota lenei, ia faaosofia moegaluaga ia maua pea le tofa fetala'i e limataitaina ai a outou Afioga. O tupu ma ee o Samoa ua totofi mo le taitaina o le tatou atunuu.

Lau Afioga i le Fofoga Fetalai o le lafo, *Ina ia tolopoina nei le Fonotaga a le Fono Aoao Faitulafono seia aulia le aso 8 o Oketopa 2019.*

**FOFOGA FETALAI:** Malo faafetai.

*Faaluaina e le Sui Palemia.*

*Na faamaonia le lafo.*

**FOFOGA FETALAI:** Ua manatu ua lava ma totoe le saunoaga a le Palemia, e saunoa e palelai ai le faaiga ua taunu i ai lenei mataupu e le i faigofie. Amuia foi o tatou taimi ua tatou faafeagai ma mataupu ogaoga faapenei, ae so o se mea e faigata e faamoemoe i le Atua e fesoasoani mai. E aumai mafaufauga lelei, e aumai foi manatu lelei e faapena ona tatou taunu ai i se taunuuga aupito sili ona lelei, e tusa ai o le finagalo o le Atua.

**02 IULAI 2019**

### **Lafo mo le Tolopoina**

Ua saunoa foi le Palemia e faafetaia le usufono ma le .....e faapena foi ona oo i ai se lagona. Malo galulue, malo usufono e le faigofie lenei lua i le tolu vaiaso ua tatou savalia. E le gata i le Palemene ae faapea foi Ofisa Sili o Pulega a Matagaluega a le Malo aemaise o auaunaga uma o lo o faapena ona aafia ma tofu sao i le faatinoga o le galuega a le Fono Aoao Faitulafono, e faapea foi i le Failautusi ma le ofisa o le Fono Aoao Faitulafono. Aemaise foi o le tapuaiga a Samoa, malo le tapuai. O lau Palemene e faalagolago i le Atua mea uma.

O le a foi se upu ua faapena ona le tauga malie i le faafofoga, pe paopapa foi se manatu. E i ai lava le faamoemoe e faalagolago i le Atua e ui magalo ai sa matou faamatalaga. O le naunautaiga o le faamoemoe ma le lagona tatou maua measili, e a le tapuaiga ma le lumana'i manuia o Samoa.

Avea foi lenei avanoa leaga o lea o le a tatou o atu i le la vaiaso fou mo le faatinoga o le tatou taligamalo aua taaloga a le Pasefika. Ia alofagia e le Atua, o le tagata lava e fuafua ma tapena ma saili, ao le faiva alofilima o le Matai i le Lagi o le faataunuina o tatou faamoemoega. Tatou faamoemoe i le Atua ia faapena ona ufitia i ona aao agalelei, malupuipuia le soifua ma le ola ma faamanuia i le au taaalo a lo tatou atunu. Ina ia faapena ona faaiuina taaloga i le manuia, foi le viiga i le Atua.

O le matou faamatalaga lea, e tusa ai o le faaiuina o le tatou Fonotaga i lenei aoauli. Ou te faasilasila atu o lo o i ai faguvali a sui usufono. E tauala mai ia lea fuafuaga i le sui Palemia ma le Matagaluega o Punaoa Faale-natura ma le Siosiomaga, e uunaia ai le tausia lelei o le siosiomaga, i le atigifagu e faapea foi le tulaga e pei ona tapenaina. Malo faafetai, ia faapena pea na faatupulaia ia le tulaga o le galueaina o atinæ lelei aua le soifua manuia o le atunu.

Ae tatou te le i tolopo ou te tapa lou uso le Afioa i le sui Fofoga Fetalai, malie ia e te faaiuina mai.....leaga o le ta taimi lava lenei ua ta taaalo ai i le aso lenei. Saunoa ia e faaiu mai la tatou Fonotaga i se tatalo.

*Na tolopo Taualumaga a le Fono Aoao Faitulafono i le itula e 1.56 i le afiafi sia aulia le itula e 9.00 i le taeao o le Aso Lua, 8 Oketopa 2019.*